

樊

山

集

樊山集卷七

恩施樊增祥嘉父

淡吟集

起壬午十一月
訖癸未十月

旅中生日外姑蔣夫人治具見要感賦一首

庚寅生日不相忘作意東園爲舉觴銀燭自令人意暖梅花
還發故時香乘鸞久已悲秦主盤馬多慙說庾郎大好筍魚
不歸去卻看鄂北是家鄉

生日子珍遣五寶來祝兼惠臺香茗

我生仲冬朔性與冰雪親栖栖羈旅中忽復及茲辰君息爲
我息慰情良足珍着紅上高堂聊補膝下貧薰鑪及茗瓊一
一含君仁氤氳海上霞斟酌湘山春抱兒南窗下清氣散衣
巾秋髮半已脫冬裘常不溫感君惠瑤纈兼復歌壽人願言

蒲柳質永保金石真

與內弟端懷太守別十餘年頃來鄂中頻與游處臨別
以詩見示賦此貽之

與君竹馬戲江城彈指流光亦可驚紅燭秋堂還此地雀釵
曉鏡是前生湖山置酒空悲感文筆如人竟老成洱海十年
誇政最不圖兼以善詩鳴

子珍送余渡江遂招同運菊同年酒樓小集卽席賦此

並寄瞿廣甫 廷韶 觀察

仲冬十九風日晴野梅點撲衣裘輕橫江歷亂見洲渚歸心
不與冬水平感君涉江走送予摻袪大道心踟躕亦知我行
不可輟朋鷗聊復懼須臾江上朱樓過新雁仿佛春明舊游
醴酒渴連催苦筍來鮮香新共黃甘薦與君弱冠長安城

氣磊落千人驚常憂仲孺有酒失時與小庾爭書名歛然一
十有六載交舊散落如春星文章閤歷歸平淡年輩推排到
老成比來鄂中同箸書餐錢盈月糜官厨楚中文獻久凋落
徵訪故籍如追逋從來方志有師法橫生譏謗非吾徒楚鉗
雖利不忍去中丞好士今則無嗚呼好士今豈無尙有解人
瞿大夫

舟行雜詩

清江如鏡點丹楓回眼雲山失幾重此水東流我西上悠悠
心事艣聲中

雲日暉暉漾水煙曉來腰褱怯輕單更迎一餅黃金橋自汲
明波浸水仙

江雨冥冥雁過遲擁條中夜泣羈雌白鷗一世耽閒冷月苦

霜清了不知

旋燒石葉泥茶甌卧聽寒更起
戍樓殘夢悠悠無覓處強携
書帙映燈篝

江月微微上柳枝十年前照我
填詞今宵梅子淚頭歇更與

離人照鬢絲

癸酉七月泊梅子溪有新雁
過樞樓詞一首今十年矣

薄情青女不知寒浦葉飛飛
大段殘一種人閒端正樹不勝
搖落此江干

蜀編戛戛上瀨難危檣急鼓轉
風灘此時始信漁舟好在處
風波在處安

尺帛瓜刀未是空粉紅石首故
相同君看海上三山影盡落

魚腸宛轉中

石首縣出魚肚筆
架山影宛在其上

斷崖水嚙楓根出野店人稀酒
幔閒祇有荒寒乏生趣不中

打盡此溪山

自着芒鞋上岸遲前身我亦打包師小溪行盡柴門掩時見

梅花一兩枝

每飯後登岸行十許里日以爲常

寄懷李悉伯師都門

癸未

湛然心迹玉壺清車騎雍容在鳳城彭祖自緣經術貴林宗
不挂黨人名門生遠地供茶串園叟深春致竹萌驛使倭遲
逢改歲卻依南斗望瑤京

和韻荅子珍人日寄懷一首

雁書貽我歲朝時紙閣香溫事事宜幾葉綠箋人日雨一痕
紅萼定州競惠連池畔能無夢桃葉燈前更解詩欲待鴨頭
新水滿挂帆來和冶春詞

清明日同陶生過東城僧寺看桃花四首

冷粥新煙健病身
茸衫欲出且逡巡
不能鼓瑟朱門裏
破帽來酬古寺春

寂寞香臺一片雲
山廚不放酒罇溫
輸他老衲無公事
深坐團蒲閉院門

小白長紅滿意開
暫憑雕檻與裘裊
當時未種元都樹
已就僧房啜茗來

紫陌紛紛說看花
我來惟是有蜂衙
一春草草書窗底
且與釣簾駐晚霞

春日自石板鋪雨歸

塘溼微微交遠風
卽看煙樹溼溟濛
人歸野店清明後
路出春鳩細雨中
飲具自携山茗碧
肩輿多插亞枝紅
草堂西角今宵夢
不減江湖着釣篷

城東

坊陌人家上塚齊
小棠開落有餘悽
城東舊發紅梨處
夕照荒荒散馬蹄

路繞清溪深復深
微聞雞犬隔花林
第三橋畔無人地
時有鶯啼棟子陰

同鐵笙閱城東花市

時客武昌泉署

淡白嫣紅各有情
瓦盆高下列繁英
衣從百和香中染
人在迴文錦上行
金屋買歸應得地
玉牌簽出總知名
自憐寂寞書堂裏
獨有長松蔭石枰

江寧道中呈黃子壽丈

樓船十丈御天風
閱盡名都意未窮
清話每爲檣燕覺
春旗欲鬥岸花紅
襄州繡句弓衣上
吳下青山便面中
直下澗州

三百里盡收煙雨望吳淞

舟中望江岸人家

茆屋臨江步中流望渺然草香南岸水春熟上浜田白鳥風
帆底青山卧榻前何時免行腳隨分上吳船

贈仲夔

時以縣令需次
吳門領謝局事

案牘勞勞亦有情藤花滿地訟堂清刀經赤土知能斷燈在
晶籠覺倍明公府定應高位置督郵寧肯費逢迎廿年藝苑
相追逐更欲從君角政聲

杭州晤子珍喜贈

時同寓三忠祠戴
文節公故宅也

挂席東來不我疏戴圍門巷綠陰初湘輅舊續花閒集倭槩
新多井底書

君視學湖中得詞一卷近又從東
洋購得大藏音義每以自喜云

雨暗西堂温

大被筍香南路命輕與夙看杭越如天上天上羣真恐未如

初至湖上

十景從來入畫圖，眼明今始到清都。
夢中蕪菜常思越隄上，花枝可姓蘇。
煙雨自生人事外，湖山何止故鄉無。
魚須龜紐非吾意，乞向西泠作釣徒。

雨中泛湖同子珍鶴士

輕煙暝雨聖湖頭，笠屐同來俯碧流。
解道西湖似名士，蘇隄

兒女一時愁。

子珍詩云西泠本自如名士笠屐千秋幾度來

鳳林僧話與從容，簷鐸聲中雨更濃。
銷盡石堂香一炷，道人纔打午時鐘。

水閣沈陰未肯晴，更無金齒雨中聲。
孤山不放蒼苔破，便我棕鞋自在行。

披香小殿接文瀾，輦草宮花大半殘。
卻倚湖心亭子望，濛濛

樓閣水精寒

贈栗園

進退格

插萸一爲別，鄣扇始相從。
卓帽來吳下，青琴更浙中。
花深南果寺，月滿北高峯。
安得如泉酒，春秋與爾同。

阮公祠坐雨，同栗園昆季錢叔文茂才

滿地蒼苔畫掩關，閒軒猶暑小。
娜嬛銷魂，不比西窗燭，身在
西冷萬綠閒。

風幔雲窗一半開，桐陰如墨。
罨樓臺與君，與素焚香坐清况。
人生得幾回。

軟翠浮嵐一萬重，雲多不礙玉芙蓉。
眼前山色濃如許，何況
蒼蒼九里松。

學道參禪雨不勝，繩牀堅坐竟誰能。
筍輿如箭衝泥去，爭及

官打睡僧

湖上雜詩

雲容波態世閒無評泊還當勝畫圖能寫吳宮西子照此生
纔可賦西湖

松水依稀似舊容前身曾打理安鐘卅年何限紅塵夢消盡
茶條草屨中

燒丹葛令還留井度曲花翁亦有家我愛孤山林處士不將
禪草換梅花

手炷鑪香禮岳祠更攀松柏認南枝如今略換人閒世爲遣
橫枝莫向西

白沙隄抱阮墩一雙太傅至今存年年湖上秋如錦惟有
荷花解報恩

梅子青青不滿枝
楊花白白復沾泥
茅家埠口燒香路
常有幽禽自在啼

松檜陰濃掃不開
冷泉亭上幾裛裊
人間真有清涼地
但挈茶瓢坐具來

泉到攷光比玉醅
脫巾洗手坐苔茵
天生一片玻璃水
不遣靈臺着點塵

酒樓旁帶綠陰斜
四月軒窗已換紗
風味不嫌清到骨
湖心藕粉井西茶

蠶豆珠蝦入饌新
一甌碧玉薦湖莼
不緣肺府清虛極
解喫吳羹有幾人

畫舫金尊對水開
萬錢一擲定無回
清游只合瓜皮艇
更湖上風氣侈靡一日之費動至數金每與子約不得以厨船自隨惟賞一小艇饒則南

瓜犀豆子來

湖上風氣侈靡一日之費動至數金每與子約不得以厨船自隨惟賞一小艇饒則南

燕瓜子炒
豆而已

淡晴微雨閒輕陰
閱盡湖光淺與深
只欠月明西礪寺
携茶

來聽穎師琴

湖上晴雨百變略已歷
盡惟欠月下泛舟耳

舊雨長安數舉杯
新來無分共岑苔
昔明朝待續南屏
社爲約

高三十五來

余京華舊雨杭人最多今來湖
上惟見高白叔同年一人而已

到處禪扉帶雨敲
他時說也敲魂銷
佩聲夜夜金釵巷
帽影

朝朝錦帶橋

寓杭十日湖上九六七至至必流連
盡日暮則入湧金門循金釵巷而歸

五月一日同子珍竹簣兩前輩登煙雨樓茶話

鴛鴦浦口駐輕航
石磴盤紆到上方
僧磬歇時添晝靜
茶蕘
圓欲貯湖光
闌干四面空煙水
裘屐三人俯夕陽
接膝莫論
瀛海事二年中有小滄桑

是日竹簣復招同子珍昆季集落帆亭抵夜始散

名園一角枕溪斜，文礎雕欄本舊家。題石詩篇餘粉墨，入林襟袖帶煙霞。軒窗綠淨多臨水，蘿蔓清陰轉勝花。倒盡芳樽起相送，門前列炬散棲鴉。

子珍挈姬人游木瀆有詩見示寄和二解

閒携弄玉上吳船，鏡裏山光潑黛鮮。一路蟬聲風竹裏，搖搖舟尾散茶煙。

青杏園林雨乍收，砌苔明潤綠陰稠。動人春色無多子，壓鬢

一枝安石榴。

原詩云：依約羅衫金扇過，斜階紅罨石榴花。

鄂中贈杜仲丹院長兼呈方菊人師

人事參差會面難，等閒相遇楚江干。可應束我煩長帶，且得從君著小冠。熱客也同炎暑避，清詩真當畫圖看。時以金陵紀游詩見當年府主今疏廣，好酌匏尊續古歡。

變前韻再呈仲丹時余將赴都謁選

白馬清流膽尙寒楚人重戴沐猴冠
信知才氣消磨易斟酌浮名避就難
潘鬢幾何侵老境毛錐無用且粗官
祇應一則循良傳留與平生故舊看

往與仲丹望雲蔭田偶樵以文字相往復偶樵編爲郢中酬唱集貽諸好事樂可知也頃來鄂中與仲丹相見而三君墓草宿矣仲丹有詩敘哀奉荅一首

郢中白雪吾同調青眼高歌覺有神
廣唱久登長慶集襖游會及永和春
鶯花故國空陳迹重笠平生此數人
何限山陽聞笛感把君詩句一沾巾

贈何彥宣院長

時主巴東講席

投劾歸來宦橐輕
皋比殊荷故人情
文章楚客吟山鬼
氣象

鄒人似水精盡日江光侵客座五更齋舍有書聲杜陵男子
抽身早心與三巴水共清

贈錢副將

并序

副將吳縣人初爲郭提督松林部曲繼又從合肥相
國髮捻之役皆在行間近率百騎駐防荆江與余同
舟西上爲述曩年戰事甚悉又自言舊宅在木瀆今
所稱錢園是也臨別索贈爲賦是詩

荷戈投筆尙華年廿載風塵老鬢顏楊柳營開江上水梅花
屋近范家山追隨李郭功名後出入江淮矢石閒大爲書生
增意氣秋燈如雪看刀鐮

擬兩頭織織歌

兩頭織織梭趁機半白半黑隘中碁膈膈膊然豆箕磊磊

落落傾筐梨

兩頭纖纖水中菱半白半黑沙邊禽
膈膈膊膊靴鼓鳴磊磊
落落男兒心

擬魚元機入至詩二首

至盛至衰花色至悲至歡月明至甘至苦書味至冷至暖人
情

至淺至深酒淺至輕至重黃金至長至短春夜至近至遠錦
衾

戲題陶七精舍

好與迂倪共一龕雲林清秘近城南畫叉偃蹇桃枝竹琴几
玲瓏豆瓣楠愛學漆書存古意每呼茶子助清談此中乾淨
無多地門外紅塵恐不堪

秋日至先壟上作

繞視新松未忍回，午天雲薄罨輕雷。
溪流碧玉連環鎖，山色泥金畫本開。
欲表龍阡增鄭重，未成丙舍一悲哀。
藍田鼓吹今何許，且緩王郎誓墓來。

與粟園溪上濯足

谿流如玉清且甘，我足如霜不可黔。
解衣藉草一盤礴，豪快足解華清饒。
陶生到此萬事屏，對蹴流泉弄清冷。
不愁驚起龍子眠，但覺動搖碧山影。

鄂中呈黃廉訪丈卽用留別

詔起儒臣戴豸冠，一時江漢挽頽瀾。
傳經席上春風在，學律堂前鐵面寒。
公於署中置學律館僚屬謁見意常凜凜性辣自緣薑桂老，心清常得菊花餐。
衙齋菊事頗盛非熊一與人閒事，未許溪頭捉釣竿。

馬肅張園氣誼真昔年會是受人漫隨館閣呼前輩猶記
文章謁後塵瑤瑟舊誇清廟器蓮花今現宰官身玉鞭此去
春明路爭及從前舉子巾

丙子秋先生命祥入蓮池校書是為登龍之始丁丑通籍實以蓮池

為初地焉

子珍將東歸要余同行適余將往蕪湖期後君三日會

於上海賦詩為券

我來自峽中君去涉江委執手鄂城陰相從欲千里昨有東
諸侯勸餐姑孰米往覓七寶鞭試騎巴馬子我如青山雲君
如急湍水水急不得停雲流有時止願君駐歸颿遲我江之
涘旅雁一繩飛後先定無幾芳榭酒醴溫矮窗燭花喜此際
踏歌來入門笑相視人生相見歡未可他日俟賦詩擲江流
春申當鑿此

至蕪湖呈張樵楚觀察

半壁江淮付託深，憑君爲楫與爲霖。
蛟魚跋扈紆籌策，鴻雁流離入苦吟。
表海舊摹秦帝碣，採山新致卅人金。
年爲我虛東閣，不信朱游不降心。

過江甯寄別三妹並訊似兒

豈爲浮名繫纜，令骨肉疎人經石城。
曲月上繡簾，初水棧愁吹笛。
秋窗能剪蔬，聽明苔宅相解盼。
大雷書

子珍將如吳已具舟矣，適余至滬上，又留三日贈之以

詩

我來君去意何如，難寫吳淞惜別圖。
浦橘新黃成楚頌，君甫自鄂來江梅欲白往吳趨。
東來偶殫書音酒，北物猶思梨筍酥。
匪我送君君送我，夢和煙雨到丁沽。

子珍以筍脯絲衣見惠各誌以詩衣蓋其姬人手製

薄點晶鹽嫩摘芽幾番蒸焙似春茶奇言飽食羊羔者風味

終於淡處佳

筍以甘淡爲上粥於市者半飯不可食

心字羅衣穩稱身散花纖手卽鍼神隱侯瘦盡西風裏暖熱相同有幾人

居停主人招同子珍前輩過申園茶話得人字

耗場如砥試雕輪瞥見亭臺照眼新幾曲紅欄深入畫一甌佳茗澹於人壺驍碁劫宜清畫錦石疏花作小春猶有少年輕俠意與君鳴佩過吳閩

同作

陶方琦

偶乘飛輦度郊園茸茗彞花滿檻春草色遠分盤馬地菊香清照捲簾人江南花月如流水海上桑田隔幾塵

莫飲井泉譚舊事炎涼多少認難真

地有湧泉井

與子珍夜坐

風燈紙屋似僧龕香篆微微靜裏叅三日與君同活計松陵

與子洞庭柑

高樓酒散月如煙無復心情似少年可是病餘貪學道一餅

秋水菊花禪

酬子珍贈別卽送還姑蘇

送君歸棹去駸駸賃廡臬橋歲月深問字門人皆漢學受書
兒女盡吳音近成漢上題襟集遠寄長安手帕金莫爲臨歧
重搔首雲山不隔弟兄心

原作

陶方琦

漢水東流下海壘相依蹤跡最纏綿文章流別三千仞

昆季交情二十年豪氣還看留匣劍清心何異在山泉
臨歧攬袂情無限疏柳西風倍黯然

次韻答子珍夜渡黃浦雨中有懷

一舸翩然天馬騰夜情離思雨難勝暗潮罨樹侵沙叢寒霧
連江失月棧倦覆越羅荒戍雨卧聞吳語酒樓鐙卸帆明日
楓橋路鐘入寒雲更幾層

原作

陶方琦

偶然惜別思曹騰三日留連意未勝剩有秋心聽櫓響
久無春夢到觚棱江頭帆葉銅樞雨牀背簾衣粉檻燈
絕似離人青弋渡浪花風葦隔層層

卷七終

樊山集卷八

恩施樊增祥嘉父

水浙集

起癸未十一月
訖甲申七月

十月二十二日抵天津題家書後寄女兄弟

片帆煙雨下吳天
五日暄和已至燕
槎客又經三島畔
選人來及百花前
魚鰕美處仍強飯
風水聲中得晏眠
分付玉箋雙喜鵲
銜書飛寄早梅邊

寄懷張中丞師太原

表裏河山拱玉京

帝教霖雨潤蒼生
蓮開姑射花爲幕
麥熟銅鞮綠到城
上黨故爲天下脊
中丞今是國家楨
從來健馬精兵處
急遣雲中備戰耕

未隨簫鼓宴橫汾寂寞官梅雪夜樽章疏每緣朝報見尺書
猶戀酒壚溫

公與親故書每言長安樂也

近憐日下朋簪少轉愛河東記

室尊失計避人方翹底卻看并代是恩門

公屢盼余入幕卒以事羈未往

冬夜過竹簣侍講論詩有述

饋食獨嗜西湖蕪結交獨與吳越親橫街月色澹如昔照我
來試官壺溫篋書整比作屏障瓶花淡靜縈鑪熏上堂解屣
敷坐席清言入理生奇新譚瀛測海信多事此口嗑嗑惟飲
醕中朝侍從老於文出入金馬齊淵雲餘事更欲親風雅橫
穿月脇窮天根古來積詩平五岳文章流別難重陳獨厭耳
食界唐宋唐固可貴宋亦尊廬陵雄翦榛歲臨川詰屈規
典墳西江三宗共一祖老骨細細縈秋筋漢庭老吏用杜律
傳燈毋亦宜州薪與爲薇藥競姿媚未若松栝標輪囷君示

我詩何俊逸清如太華懸秋臆更願大力制龍象辟支淨掃
遺聲聞千秋萬襪庸足慕要令並世知吾真古人義不去琴
瑟吾屬筆研甯當焚河魚出膏自含吐極知苦趣由艱辛蹇
驢明且共君出野梅點破南窪春

賦呈李恣伯師一首時合肥相公延主天津講席

郎署公移只等閒嬾隨珂佩閣門班官清爲抱神仙骨屋小
能容宛委山不着緇塵腰扇底小回風氣角巾閒談經苦被
平章慕書幣尋常到竹關

題南屏僧主雲畫贈鄧鐵香給諫

神羊一角五雲閒夢裏羅浮久未還何日筆床隨鏡具移家
同對聖湖山

東坡生日同竹簣集越縵堂恣師賜疊前韻奉同一首

蘖茶晶飯遺蕭閒爲醉熙寧侍從班地僻便如紗縠巷酒行
同話雪堂山優游陽羨求田後榮遇宣仁賜燭閒今日

女堯相司馬底教夫子掩苔關

悉伯師生日同竹簣書玉介唐三前輩光甫舍人秋田

戶部醮金爲壽悉師有詩卽次元均

荀學先生今通儒閉門歌嘯回黃虞人閒明明見歲星天上
愿愿懸白榆年光如羽春風急生後東坡不十日

先生以廿
七日生

同人醮金用周禮蓬萊延閣多清秩坡公昔擁王子霞先生
亦醉秦青家絲囊玉塵強一出錦鏡交射瓊筵花花亦如人
相媚嫵笑酌瑶觴擘麟脯侍女青鸞盡解歌叅軍銀鶻知能
舞廟堂努力方用兵新疆坐恢十六城檳榔嶼上海氛惡直
爾柱管皆連營吾曹戲效白鷗沒萬里封侯信無骨高冠大

劍爾何人臣朔徒求斗升活千秋萬世自有真不煩避席稱
主臣願修石室無窮業長保雲山自在身蔽山今夜梅花白
猿鶴山中等歸客十年看築草堂成更種木奴盈八百

送張幼樵前輩奉使天津與合肥公計事

朝廷南顧軫虺蛇欲發樓船罪呂嘉內翰

慈甯承口救相公渤海候星槎新持玉節迴鶉首

時方自陝西還京

更擁朱衣祀禡牙莫遣和戎輕定策河山尺寸總

天家

癸未除夕同壽平萬明寺守歲八首

明明春色上燈花一飲屠蘇卽憶家怪得雞豚滋味薄與君
新喫趙州茶

歲盡無人扣佛龕軟紅塵裏舊名藍辛夷樹共頭陀老寂寞

前朝水淅菴

寺在前明爲水淅
康熙間改今名

驄子如龍杏葉鞦韆春風陌上試金鞭看花自是卿曹事明日

明年尙少年

時壽平留
京待試

何因一夕換春冬但覺琉璃徹曉紅欲識歲華潛轉處玉梅

花下子時鐘

黃紫尋常供歲寒十千纔辦幾花看如今圍窠無生計贏得

僧房對牡丹

京師唐花極貴牡丹一朵直五六千近來
市者轉稀花價驟減亦可覘時事矣

雞占鏡卜本無靈蝸角微名况自輕底學世間兒女態強持

杯琰問平生

是日與壽平
占牙牌數

漏板聲沈掩竹房遠公中夜喚焚香轉珠細數平生事剩欲

隨師上鐵堂

打鐘掃地願多違白社青門亦未歸更學潘郎種花去重余

三十九年非

甲申元旦試筆

景陽樓殿曉鐘清，隱隱朝元佩玉鳴。
五色雲開鵙鵲觀，九枝燈滿鳳凰城。
近聞兵氣銷炎海，屢見儒臣對邇英。
辛苦女堯端冕日，小儒何術荅昇平。

開歲三日同再同斜街看花

閒踏東風覽物華，紙窗茆屋似山家。
春浮碧玉交枝樹，暖入眞珠九葉花。
眞西山牡丹譜以九蕊眞珠爲上品
散吏從容借舊雨，侍臣文采動朝霞。
載書更入琉璃市，喜得平分惠子車。

春興一首示壽平弟

綺陌風來氣漸和，清游任育影婆娑。
春雲渡水依瓊島，纖柳如人照玉河。
新歲酒懷燈後減，故山茶夢雨前多。
選人大有

蕭閒境笑看諸君侍諫坡

題家書後二解

家世青箱喜積儲，莫教開帙走蟬魚。
善和里第三千卷盡，是先生手校書。

海棠雪後靚紅深，屋角新蕉亦有陰。
春事小園知不改，舊年顏色舊年心。

次韻荅袁爽秋戶部見贈

時兼領總理衙門事

大秦通貢海天西，主客聲名宗鄧齊。
早有相才儲左戶，屢煩文檄諭聯題。
時感事方紳 東方大隱依金馬，莊叟元言託鞮雞。
猶與閒官鬥茶事，青鞋每日踐春泥。

愛伯師書布一方，云是就傅時先人所詒。
今五十年矣，敝裂既甚，乃以緘副之，命題長句於上。

昔裏楹書授裘師白頭回溯倍依遲一門清德胡公緇五夜
辛勤仇母絲漆火枯青相映發帽箱黃緝共離披若循三世
油拳例更待嬌兒上學時

絲澀休令十指穿儒家故物比青氈卷舒五色雲霞氣囊括
平生內外篇占對曾陪金殿上寂寥長伴短檠前殷勤爲製
青綾副更可隨身五十年

清明後一日同紫泉過越縵堂呈愛伯師一首

禮堂連日坐春風細氈輕裘暎未融茗事從容新火後柳條
蕭瑟禁煙中莫嫌雙鬢參差雪且喜諸花次第紅辛苦著書
明燭下管城誰錄五侯功

次日再過越縵堂清話竟日

畫堂清畫細論文鳴鳥聲中發興新飯軟茶甘眞幸會柳青

頭白奈何春表章荀學才今日

公五十以後始以荀學名齊

羽翼蘇門復

幾人此後秦川成獨寤始知有味是京塵

余居萬明寺爽秋戲改爲樊名一再賦詩見貽戲爲俳

體荅之

名從主人起家法本穀梁城南韋杜曲得氏何芳香近則築

庵彭

雪琴少保與薛桑根老人

遠則爭墩謝與王由來居處必繫姓庾

樓廊亭難具詳都下方言冠以氏花錙米祝紛翺翔我所居

寺本水浙君以屬我庸何傷雲門禪師儼再出欲以楚水更

錢唐我行官宜川勞君以詩祖纔見沙門有護法又言高真

足官府不願留寇君不願呼杜母但願宜人歌且舞男曰樊

男女樊女

三月十三日紀事

數行殿旨出深宮一日三公策免同

上意用兵誰決策

時越事方棘

中書伴食久無功清流禍起衣冠

盡甘露時危政府空至竟 聖朝全體貌上尊恩禮貫初終

左戶星郎昔起家鈴山清望滿京華

朝廷多事由藍面臺諫無人裂白麻海內騷然皆怨苦人情

不近必姦邪相公未識周官字自比荆舒意太夸

京師有人作搢聯云

辭小官就大官十八年養望林泉自畫供招王介甫改戰局爲和局七百萬發空銀庫毫無把握秦會之語雖不工亦紀也實

姚棣伯天女騎龍行兩圖爲黃仲弢編修賦

出入靈州見玉姿崑崙西去幾經時紫蘭宮裏新承敕賜與

飛龍當鶴騎

慈悲天女貌清揚手注銀河到下方天上移來香水海人間

看是妙華光

每從叔度卽開顏座上稜稜識玉山會見眞斐乘汝去四方

上下逐雲鬢

時仲發將婚

南湖舍人爲述濟南之游賦贈一首卽題所著芙蓉碣

傳奇

黃塵蓆帽向天涯城上青山指鵲華薦士不逢齊晏子讀書
心慕魯朱家大明湖上仍秋柳小宋詞中幾杏花贏得濟南
傳樂府芙蓉小劫懺楞伽

爲丁秀才昆季題書庫抱殘文闌歸書二圖

永嘉舊本付何人劫火光中喜脫身若爲書生留畫象故應
天祿勝麒麟

一炬眞燔萬縹緗羽陵塵劫太悲涼祕書狼藉如花落一道

蘇隄是雀梁

三閣東南鼎足分

兼謂金山文匯揚州文宗二閣

閣中牙玉照千春竹西浮

玉今何有始信錢唐大有人

記拂苔碑讀

御詩銅鋪青瑣玉罍湖山已過秦燔劫依

舊南巡駐蹕時

撥棹曾經向剡溪興闌不見戴生歸卻從鳳閣鸞綸裏識得

西湖兩布衣

當事爲爾昆學行詔書褒美焉

蜜酪功成極苦辛春風來往外湖瀆寫官已了三千卷更助

尙書結聖因

文瀾閣旁卽聖因寺彭尙書募修未果

題鶴嶺種梅圖寄懷黃廉訪丈圖記皆子珍所作故弟

三首及之

鶴嶺平添玉幾極鑿頭春影太橫斜詩編漢上題襟集畫是

江城掌故花巖岫美於兵火日園林清似野人家使君判牘
酬賓了滿袖寒香散吏衙

昔曾清苑醜清秋三楚欣逢擁絳騶夢裏蓮花園講舍春來

鶴筆在高樓親從郡國宣風返

公由安襄鄖荆巡道擢湖北臬使

更集賓僚

賦雪遊天許飛瓊爲近侍十年看取玉成邱

每過南牙訛起居同時陶峴比花臞翰林後輩憐蘇軾冰雪

仙人見藐姑酒盡平臺松月上畫成齋閣粉雲敷近來楚越

無青羽欲寫春愁寄五湖

子珍時已還越

金城上郡久知聞匹馬西行帶落曛江樹乍消高士雪峯蓮

遙現美人雲謾開官閣題新句欲訪屯田問舊勳

公尊人官鳳邠道陪

著有管田辭要一書寄語瑤臺明月下一枝須與隴頭分

贈印人尹少年時館福山王氏

白石桃花一寸強蛟蛇爵律現天章烏衣巷裏三閒屋題作
人閒冢玉坊

奉懷愛伯師主講天津

主張北學待何人破例春風到海濱老愛蘭陵爲祭酒世傳
高密是經神道高上相皆嚴事日久門人乃益親更憶浙西
精舍好東遊乘興欲抽身

星郎鍵戶十年餘時草元文賦子虛猗頓何如素丞相楊枝
能事白尚書文章蠶尾新編集近日寫定
散文一冊坊巷覃溪舊賃居
風味長安殊不薄藥前茶後望籃輿

送幼樵學士駐防閩海

龍節親持下閩風東甌形勢最繁雄詔銜長樂宮中紫衣
拂仙霞頂上紅掌底山川毘舍鳥帳前奔走海澄公平生權

略兼王霸可少髯參入幕中

二月十七日張幼樵副都朱子涵舍人招同張叔憲太守黃再同王廉生兩編修集槐蔭精舍叔憲繪夜話圖以貽子涵未幾副都有閩海之行余亦將之宜川子涵索題卽賦四解並寄副都閩中時閏五月七日驄馬歸來畫漏長爲招野客泛春觴靈臺夜起占珠緯奕奕明星勳草堂

兵事南交卒未休舍人投轄強邀留少年不覺襟情惡春夜園林秉燭遊

吳興居士老王蒙爲起亭臺尺幅中何似君家霽溪上荷花

五月水晶宮

太守湖州人

嫩摘槐芽及好春綠陰如幄悵前塵西窗久斷垂簷雨獨對

明燈憶故人

慧生見示用伯熙均自題蝓蟬齋詩次荅一首

借得行窩滿貯書黃塵如海現精廬便爲蝓國羣蠻長得似
龜堂老子居席上蛤蜊含梵象夢中蚺虺是相如一壺政爾
堪料理梓澤銅陵莫羨渠

六月七日悉伯師同介唐書玉光甫公醺余於南花泡

子卽席有作

一水盈盈風露香座中三面對花光瑣窗側啟分荷翠殘照
西來映柳黃車騎雍容多粉署羹材清美出銀塘始知酌盡
離亭酒不及煙波意思長

後十日光甫復觴悉伯師及余於陶然亭更誌一律

舍人惜別引紅螺又見江亭破綠莎簾簾雨餘通遠翠菱荷

風裏倚清歌城南地僻煙波美禁裏官閒洗沐多且進蛤蜊
同一醉功名橫海竟如何

時閩中軍報狎至

薄暮客散與恁師荷塘泛舟

夕天轉澄澹嘉客半言歸沿流理輕楫炎暑亦已微茶甌各
在手荷氣方襲衣側身俯明鏡人影隨之移花深不可入卻
循蓮葉西繚繞紅霞光搖動碧琉璃水禽與人狎塌翅波面
飛啄彼菱蘆根使我心忘機平生厭車馬雅愛秋江湄盍將
漁具來長此爲釣師

同年諸君各與撰文修史之役戲贈一首

花顛聯步盛纒裾退食金鼈意晏如夜直玉堂頻賜炬朝臨
史局莫騎驢文須東馬簽名進事待南狐秉筆書努力昭文

勤著作可應無分到南徐

朱竹垞詩云南來輿信北徐陵其實與北而徐南也

友人遊西山歸以倡和詩見示漫題二首

故人同入翠微閒，幾夕清齋宿露壇。
馬上詩成牀上和，畫中山色雨中看。
壯年不仕都坵隱，秋日新涼且未寒。
鬱鬱黃塵烏帽客，願移襪被此中安。

卷八終

葵山集卷九

恩施樊增祥嘉父

西征集

起甲申七月
訖九月

將之秦中留別同人二首

海水羣飛白日寒此時鳴佩去長安
諸公競灑憂時淚百里叨除本分官
捧檄聊爲將母計
箸書休當罪言看
督郵倘敗陶公意
歸去東溪有釣竿

西行走馬欲何依
滿目山河景又非
汾上詩成秋雁過
關中木落故人稀
相思隴右無芳草
回首修門但夕暉
此後西園清醖日
憐余方採北山薇

雨後發新店賦示內子

七月廿五日

金粟燈前候曉妝
輕車油壁先

去聲

朝陽臨流馬惜郵
平聲泥錦

薄冷人薰半臂香屋上鵲聲占喜事柳邊蟲葉寫秋光遠行
不用多惆悵西北浮雲卽壻鄉

元微之詩嫁得浮雲壻相隨卽是家

甲夜驚雷丙夜風清朝雲物倍鮮穠瀑流喧似彈箏峽山色
明於畫扇峯注牒昨來逢薊雪移家今去訪秦松相攜玉女
蓮花頂好飲丹泉與鍊容

野塘荷花尙開水鳥翔泳感賦二絕

穉葉綠翻映道周晚花明麗倚清流芳心最畏人間熱含吐
紅香直到秋

一水榮回古驛亭蕭蕭官柳拂行旌頗疑鷗鷺都話俗車馬
頻來亦不驚

晚渡清水河望定州作

草寒沙白古唐河車騎東來接軫過村暗忽明虹照雨柳黃

仍碧水微波津梁已倦能歸否舟楫雖橫奈晚何汲取清流
聊試茗至今花梳定鬢多

井陘

洞復山重儼建瓴身騎龍背陟青冥河東豪俊無相識獨立
高岡看井陘

健兒天下數幽井千古河山幾戰爭今日棗紅槐綠處祇知
耕織不知兵

辛興灘

灘徑數十里有七十二渡之稱

白石粼粼可奈何馬蹄辛苦濺流波聽殘七二灘頭水一夜
行人白髮多

舊關道中

杖策西行欲到天梯石棧入雲閒青驪踏盡黃榆葉塵鬢

蕭蕭入故關

石壁煙嵐返照濃
清秋人在畫圖中
片時娘子關頭雨
一樹斜陽棗樣紅

幾尺翠蛟潭下水
一條青玉峽中天
分明舊國三巴路
不聽猿聲也黯然

行路時時欲斷魂
更堪馬上見黃昏
蕭蕭晚雨青羊谷
幾樹秋槐掩店門

白面將軍祠

麒麟高塚尙崢嶸
趙幟飄零易漢旌
如此河山終瓦裂
寄言白面莫論兵

聖水寺

兩面雲山一徑通
誰刳山腹貯琳宮
飄揚鐘磬松風裏
穿磬

亭臺石壁中冠蓋久爲諸佛笑鉢單原與老僧同自憐行腳
忿忿過欠踏維摩地一弓

過黃門至太安驛歇馬

太安舊有韓
文公詩亭

狄那村仍舊昌黎禍已荒橋經秋雨斷松爲午晴香童子河
身細竹竿坡路長驛亭數株柳留影在寒塘

平遙城中見菊

山城氣候暄八月見新菊細朵粲明金深叢釘圓玉旬月厭
塵土爲君回青目頗疑中都市卽是柴桑屋我生實楚人餐
英動盈掬秋花旣云黃可醅亦可藪車輪不得停過眼如電
速惟覺東籬香悠然在心曲

八月十三夜張蘭鎮見月

河東美郵政候館極陰岑廣庭羅車馬板屋安裯衾倦旅且

夢山集卷九
五
未息候蚤修己吟南檐吐華月流暉溢我襟明珠入懷中攬
結不自任去國日以遠懷鄉日以深北雁正南嚮焉知我家
林上黨實早寒悄然霜露侵卉木盡凋落衣裘猶未紵坐諷
北山竹林鳥知我心

過靈石有懷何壽萱同年

汾流灑灑帶山莊求點多年去草堂瑞石靈文俱寂寞故家
喬木自青蒼功名日下乘驄馬門第河東起鳳凰莫諷小山
招隱句侍臣清切在長楊

度嶺竹枝詞五首

過盡山西萬疊山四天門裏掉鞅還如何一座韓侯嶺更比
騎鯨渡海難

鐘室沈寃淚滿膺嶺頭入月下霜冰人言韓信逢高祖不及

重曠過范增

早涉汾流見月明，卻於嶺半看雲生。竹竿坂下濛濛雨，到得

夫妻廟口晴。

距嶺五里爲竹竿坂，坂上有夫妻廟。

青驪流汗踏羊腸，漫說韓王復漢王。願得平安過嶺去，霍州城裏與燒香。

天險橋邊駐碧油，北臺小息喚茶甌。莫將馬力全驅使，尙有

逍遙在後頭。

下嶺七里爲北臺，西去逍遙嶺，老張灣一帶路尤險仄。

霍州道中感懷

茸衣駝褐度榆關，新自狐岐振策還。漠漠風煙連白水，英英珠玉滿青山。爾雅：西方之美者，有霍山多珠玉焉。壯來燭武人猶賤，儒者朱雲吏不嫻。橫草功名憐晚暮，空消髀肉馬蹄閒。

平陽

高梁西去古名州三晉河山此上游姑射煙鬢爭嶽峻

霍山亦稱

嶽香平秋雨入汾流茅茨不翦知遺俗桐葉如圭想故侯猶

有康衢歌舞意叢祠鼓笛竟喧啾

是日城東演劇

行次汾上有懷張尚書師粵中

帝簡儒臣下九重三年持節領堯封河山元氣關黃髮州

郡人才入鏡胸不遺農田出車馬頻煩省牒禁芙蓉於今赤

烏臨珠海羸得并兒負弩從

襄陵太平閒沮洳特甚漫賦

汾曲寒淤一尺強車輪生角轉羊腸草黃太武擒昌縣雲白

重華謁帝鄉

距襄陵縣界十五里爲堯廟有舜尙見帝碑

躡足有人歌獨漉濯纓

無地詠滄浪愁中時有蕭閒意爲愛紅林葉葉霜

豫讓橋

漆已全枯炭已灰智瑤終是解憐才如今大半中行氏珍重
男兒頸血來

紅鶴樓

在聞喜縣
水西門外

藻井雲窗在上頭東南初日映簾鈎遠疑天半朱霞起坐見
關中紫氣浮秋水斜通文正里樓在涑
水西岸梅花不似武昌樓下
方未識秦川令道是仙人控鶴游

樊橋

草淺秋原馬着臙蒲東山色近中條兩行淡墨雲林柳畫出
吾家舊板橋

卽事

打棗黃竿裊裊輕草頭蝴蝶曬霜晴秋光祇合村中看不許
行旂載入城

出蒲州城三四十里皆柿林也賦詩張之

我棗果下西至蒲厥土宜柿歲有租紫絲步障三十里煜然
天際丹霞舒密若春星麗雲漢鬱爲火樹臨交衢披披霜葉
彌可玩夕陽激射青黃朱糜身乃供醢醢用晉人以柿
釀酒及醋高節
不受禽雀污河東多棗復多柿我行千里餐其腴齒黃豈爲
稽生病心赤固與軋犖殊常愁失手碎圓玉每惜入口銷紅
酥生平雅興林壑近况復覩此珊瑚林徑欲結茆處其下坐
收十萬驪龍珠夏日多陰不病熱秋林拾葉聊可書幽欣名
亭夙所願焉用擾擾驅車徒洪容齋嘗欲取蘇詩果熟
多幽欣句名亭余輒襲之

潼關

秦關百二號繁雄第一金湯莫我攻山壓峭函全在下河將
潼渭欲俱東巖城鼓角青天上大將牙旂紫氣中總爲

京微及急更勞板屋詠秦風

時遇甘軍過境

華山

三峰如削秀天葩帝座微茫信不遐拂曉仙雲圍玉女極天
秋雪照蓮花瞳瞳白日臨關迴浩浩黃流入豫斜欲掃游氛
瞻北極巨靈高掌莫相遮

宿冷口驛贈內

華清殘月轉西廊候館雙棲夜未央衣覆薰繡添夕麝酒寒
杯面落秋桑一條繡帶羅敷水幾掬蓮花玉女湯

驪山玉女殿北有蓮

花湯華清第一湯也

並是秦中最佳處莫教紅淚溼秋光

擬桃花源詩三首

并序

曩孫淵如先生主詒經講席以桃花源事命題查君
揆詩最工壬午冬在鄂中志局得詒經初集讀之每

至查詩諷不去口以眎子珍六兄同爲擊節蓋其事
其詩皆蕭遠野逸與僕天情相契故也在昔淵明生
典午之季年逢寄奴之代禪作爲斯記什九寓言然
而雞犬桑麻依然人世羲皇不遠祇在柴桑耳查君
應徵而作別無高寄又生當極盛偃仰西湖其中之
悲愉與淵明異矣僕爲親負米覲顏折腰旣謁選得
秦之宜川令以甲申七月出都暑雨閉關久乃得達
屬以鯨鯢未戮海國驛驛旣蹀躞於風塵更屏營於
發緯嗟乎隙駒百年單門入口何慮不給而就微官
昔人不能降志於督郵而顧手版倒持爲茲僕僕哉
苟有一廛如淵明所記稻田鱗比花竹蟬媽所不卽
歸有如江水因擬是題寓息壤之意並寄子珍都中

若以吾意在避秦則失之遠矣

武陵漁人誤入桃花源贈隱者

萬樹緋桃護隱居
迷津翻幸得相於
花開尙似秦時火
兒大甯知漢後書
海上蓬萊知不遠
山中甲子記全疎
嬴劉興廢關何事
頭白溪邊自荷鋤

桃花源隱者送武陵漁人出洞

世外相逢事不期
溪堂信宿忽輕離
來當桑樹雞鳴後
去是桃花飯熟時
漁具好從前路覓
山名莫遣外人知
芒鞋怕踐劉家土
分付閒鷗作導師

武陵漁人再至桃花源尋隱者不遇

一再挈舟訪隱淪
遙遙雞犬是何村
重尋煙水真如夢
若問桃花定不言
沙鳥似含窺客意
岸楓猶有繫船痕
等閒未許

漁郎入何况乘軒客到門

卷九終

樊山集卷十

恩施樊增祥嘉父

關中集

起甲申十月
訖丁亥十月

城南訪梅

城南韋曲與花鄰
素萼垂垂欲破春
生小不知江上水
誰言渠是弄珠人

江南風物本無塵
記折橫枝向早春
今日樂遊原上見
風流猶似素衣人

咏史四首

四海饑虛賦大東
孔桑箕斂意無窮
雞豚簿錄茅檐底
猿猱圖形紫閣中
朝士競攻皇甫罇
深宮終相宇文融
封樁枉斂民錢盡
良嶽崔嵬紀汝功

韓富同心胡紫宸爭墩人已偏樞鈞熙甯久困誅求令元祐
稍還老大臣介甫晚年疏福建堯夫先見警天津回思橋上
啼鵲淚猶是人閒慶歷春

家國蜩螗兩不安誰云叔寶獨無肝功名上苑馴羊易賓客
南園作犬難執拂伎更男子服趨庭兒弄婦人冠秦宮花底
垂垂老猶當髯叅一例看

甘陵舊事已成塵李而還蜀洛曠鈞黨劇於河北賊從官
多作嶺南人誰能獨直烏臺案甯不寒心白馬津解黜荆舒
相司馬古來惟有一宣仁

爲人題冰天躍馬圖

雪滿天山毳帳開萬牛行炙氣如雷忽然起攝黃皮袴生縛
名王佐酒來

鏡鑄新疆十六城極天紅柳不藏鶯如今見說冰天暖亦有
江南春草生

說與班生兄弟聽燕然片石不須銘倘收入部波蘭地萬里
輪臺是戶庭

疏勒城荒草木凋長安回首隔雲霄龍媒一日堪千里朝發
崑崙夕渭橋

十二月初二日夜夢在都下與愛伯師賦詩甚樂醒後
僅憶早有春風上鬢絲之句因足成一律寄愛師都

門

隴首荒寒驛使遲夢中猶得見吾師筆牀妥貼依茶竈鶴擎
分明過竹籬定子紅霞遙映酒老坡生日例成詩行吟偶至
梅花下早有春風上鬢絲

正月初八日雪中同張大令遊清涼山寺

山在延安府東門外

雪中萬戶寂煙火畫蕭森徒步過我友官壺相酌斟坐見東
南山一一皆瑤岑香臺冠玉岫寶樹接瓊林尋幽出東郭結
駟驟駸駸過壕涉冰上玉薄不可任斜陽忽西來照灼如流
金漸入雲霧窟微聞鍾磬音駐策及山半側帽聊一吟

石墜不容驂青鞋踐寒絮生本山人頗嫻巖際路仰攀勢
逾矯俯窺心始怖猛進得初扃天神儼鑿塑遂躋萬佛巖載
瞻列仙署化身千百億四壁盡刻露振衣陟層椒玉殿朱雙
戶下視郊廛閒霏霏散烟霧抗歌出金石高雲爲我駐誓從
松子遊纓冕復何慕

月印泉

懸巖架飛閣下瞰百丈井穴板肖月圓兩規互相映俛窺竟

何極坐覺毛膚冷閣虛可以琴泉甘可以茗終然臨深義潛
被松風警却下撫銀床翩然見吾影欲自取深清奈何乏修
綆

對酒贈張育生大令

特同以賀
歲至郡

同辭香案逐風塵不獨芳蘭氣味親客裏酒杯貧似我北山
草木瘦於人蕭條人日剛逢雪破碎秦山始見春粉澤自關
儒者事好持經術答斯民

讀史四解

青油幕下不知名三世依稀號畔兵至竟升沈誰管得朱脩
之是謝宣明

靈寶聰明坐自矜爭墩先有半山心南陽人物惟劉瑾解道
公高太傅深

護軍傳詔歷陽憂烹大聲聲怨造謀終是人閒豪快語不能
廷尉望山頭

四十年來老樂師豈期廷議用蘇夔向來趙范公孫輩都是
人閒昨暮兒

和愛伯師乙酉元日感懷

今上朝正御紫宸泰階十一見陽春紅雲自簇千官仗白日
休揚四海塵金馬門邊容避世銅駝陌上莫沾巾始終不與
開天事臣甫當時是幸民

得李爽階大令懷遠書却寄

青牛老子又關中坐攬金城上郡雄盡復流移耕漢塞更煩
儒雅變秦風河冰夜坵龍門迴漠雪春消虎落空同是北山
安靜吏好紆官馬遞詩筒

飲聖泉示客

泉在宜川縣東十里鳳翅山上

一段琉璃徹底清，汲來猶似在山林。平生風味疏於酒，評水觀茶養道心。

閒緝張記話無慘，小鴨紅灰一寸消。不爲茶清本無夢，留君翦燭盡今宵。

輓陶子珍六兄

早躡丹霄入翰林，主恩持節渡湘潯。通身子晉神仙骨，一片江郎錦繡心。幸有遠山供病渴，每將春水喻情深。玉棺一夕從天下，多少朝賢淚滿衿。

春明旅食同蕭寺，吳下英遊共畫樓。每過西堂嫌夢短，並非南浦亦魂銷。風神殿上方垂柳，詞賦宮中愛洞簫。不敢尋常酌雞酒，爲烹雪水薦江瑤。

春暮携客訪聖惠泉試茶

呵殿遊春亦偶然，解鞍松下午陰圓。
榻來喜見琉璃聖，欲去欣逢橄欖仙。
石上棋枰銷永日，風中鈴語散諸天。
坡公故事君知否，判牘朝朝就冷泉。

春夜署齋觀齣

粉墨居然象宰官，清歌濃醕破春寒。
中閒紗帽新花赤，隊蠻鞞小契丹。
綵仗臨風催急鼓，錦燈如月照雕欄。
家人初聽伊涼曲，隔着珠簾到曉看。

春暮至近郊勸農三首

日日城陰策馬來，春郊種麥已成堆。
向來通脫無呵殿，只用鉗奴擔酒隨。

昔歲流移數百家，於今隨地見桑麻。
蒼生莫負中丞意，好把

芙蓉換稻花

不獨官清吏也清好詞曾記牡丹亭使君出郭尋常事莫遣
騎牛赴縣庭

曉起卽事

青山繞縣城樓上見春耕雨後諸花色天明百鳥聲焚香官
牘少來蝶訟堂清不識督郵貴經時罷送迎

四月初二內子生日用李郢寄內詩韻爲贈

是日喜雨

錦堂紅燭漾青煙薄暖輕寒芍藥天玉案對開雙陸局銀箏
低按十三絃凝香燕寢纔今歲燒筍行厨憶去年贏得三農
齊下拜縣君生日雨涓涓

夏日早起行縣

樓堞明朝躡驂駢度早涼露崖松菌白風路棗花香村落纔

炊黍山田半破荒石林聊可憩酌水試茶囊

秋林寺二首

三五人家倚碧峯自臨清水照塵容誰能拋却公家事臥聽
秋林寺裏鐘

突兀何年寺深山此數楹日中林幄暖雨後水簾清敗廡仍
金象流塵滿鐵檠行輿置筆札隨處記村名

夏夜對月

山深黲炎暑五月謝羅衣庭隅數坐席明月來遲遲涼風入
庭柯清影爲參差恍疑階除閒卽是苕藻池仰視銀漢星離
若箇中碁十歲丹州兒發語鈍如椎不解雲東流謂是月西
馳眼前無匡生聊復解我頤

入夏以來吏事稍簡甫能潔治一室排比書畫繫之以

詩

臥聞經時政易成訟堂惟有捶琴聲吏人私寫香山集田婦
羣知內翰名萬軸玲瓏秋玉館一官瀟灑牡丹城掃除天下
非吾事祇辦蕭齋對短檠

庸施楊大令席上贈龔刺史時龔以勘荒至郡

官閣依然蓮社蹤琴樽良夜得相從光豐人物曾親見

君嘗
佐劉

霞軒中丞幕一時
名士咸與之遊

渤海風流此再逢詩愛鳳凰樓上草名題

孔雀寺前松

皆延安
勝蹟

使君若照逃亡屋盡在光明燭影中

借龔刺史趙大令遊清涼寺

再入清涼寺凌風意颯然繡幡垂佛右松子落僧前雀瞰蓮
花鉢茶香竹筧泉何時掃塵牘瓶拂此安禪

七月既望早發宜川卽事

銀川東下我西行父老依依戀旆旌側帽看山原故態焚香
酌水見深情清秋馬度蓮花寨殘月烏啼杏子城慚被人呼
班景倩散仙久已去蓬瀛

韓城王大令謂僕此行何異班生

題李雲生

嘉績

大令江上草堂圖

吾屬心與江鷗盟開門日對江水清
搗來長安飽塵土忽見君畫雙眼明
故鄉長亭七十五杜鵑送別聲
淒苦回首青山二十年寂寞柴荆掩
秋南江魚可饌竹可竿隔江遙見嘉陵
山世間好物並不乏祇少君我遊其間
人生去鄉等閒耳胡爲鬱鬱百寮底
城南無田猶可歸無田不歸如江水

試院中秋公醮

銀燭青尊激醴樹瑣闌佳節盛衣簪
錦裝上界登科記石刻先皇校士嚴
桂子天香珠箔捲碧梧清露玉階深
至公堂上

如珪月照盡風簷宿士心

感事二首

綸羽雍容出備邊虎門岌岌沒狼煙功名房瑁陳濤路號令
韓琦好水川背水一軍臨死地裹創諸將泣空卷平生恩怨
同牛李謗譽區區總浪傳

廣柳遙遙別上都愁看萬里荷戈圖荒唐馬角歸何日流轉
龍沙跡太孤終以生還期定遠莫將死事責夷吾古人三敗
猶無怍曹范由來是丈夫

韓城道中四十初度示內

四十年來磨蝨身觀河瘦而未生紋梅花驛裏逢生日銀燭
尊前對細君骨健愛騎沙苑馬官閒頻夢華山雲劉綱夫婦
同脩道真誥頒來盡紫文

長明燈下懺生平小謫蓬山歲幾更愛潔貪書皆罪過娶妻
食肉是功名樓船橫海方修貢郡縣新疆久洗兵儀舌終纓
兩無用天教五斗豢先生

東坡生日同人集代耕草堂二首

雍容車騎訪煙蘿爲啓詩龔拜老坡圓笠大瓢全入畫紫裘
玉笛盡能歌堂堂奎宿依辰極的的奇才奈乙科終是儒臣
榮幸事起家七品侍延和

薄宦猶能熟瓣香十年今日五稱觴

乙亥在鄂丙子在保定己卯癸未在京師今年

在秦喜同舊雨開蓮社早有春風到草堂椽燭銜香徵故事
江瑤戎荔似家鄉祇憐客座無清夢不及當時判鳳翔

丙戌元日立春

紫陌闐闐羯鼓催土牛竹馬一時回寒將正且屠蘇送將

宜春彩仗來纔轟青旂逢玉戲偶書紅帖報花開東風次第
栽桃李未是潘郎枉費才

時驟試
已近

元日晝睡黃觀察冒雪過訪辱和前韻見嘲再疊奉寄
獸炭紅深午夢催黃紬帖妥放叅回日中乍喜銅龍靜雪裏
爭傳繡豸來東閣本宜高士臥南衙長爲故人閒如何小試
爲霖手重門當年刻燭才

元旦喜雪次雲生韻

待漏朝元鳳闕深六翼飛舞自天臨玉爲上界羣真佩紅溼
東風百草心不惜春泥妨馬路好溫冬酒待朋簪西園太尉
應含笑魚夢占年記自今

雪後登明遠樓

漏靜銅龍鎖院深登高望遠幾沈吟雪消漠北天山外雲起

終南地絡陰二月風花春浩渺萬家煙火晝蕭森等閒莫放
斜陽入留取瓊瑤在上林

春日憶東湖故居

關中歲月幾侵尋三徑蓬蒿想益深曉幌每通鄰竹翠春燈
全見海棠心草堂燕子依然入臥榻莓苔稍見侵無限雲山
不歸去知他芳杜怨華簪

感事

計相持籌在廟堂監門圖裏任流亡青苗已算民錢盡鑿牒
徒令士氣傷社稷有靈終竄杞皇天不雨願烹桑時關中
久旱
九重若遣論新法臣是當時唐子方

春興八首

鬱拂高樓萬里心神臯雄秀此登臨青門柳合新豐碧紫閣

遠太白陰喜見衣冠還古處時聞彝鼎出幽深銅仙辭漢
知何去西北浮雲自古今

十年甘隴息戈矛父老如聞說隱憂游獵時時驚捕騎耕犁
往往雜降酋弓刀拜路能無詐鉛藥連營卒未收回鵲健兒
經百戰風煙愁殺古河州

采薇曾陟北山阿土曠丁稀可奈何蓬戶生男應受賞荒田
無主尙催科河山殘破春無色亭堠凋疏盜轉多爲語司農
經國計莫教窮鳥困虞羅

玉堂曾記賦春寒鳳閣鸞林接羽翰人謂子瞻宜學士眾知
唐介稱言官文章朝貴懸金購封事深宮動色看墜翼青真
今幾載袍鞬淪落古長安

傳聞三海起蓬萊駁妾陪遊迤邐開月不錦帆迴翠水春深

璠爲上瀛臺外閒百戲趨宮市內裏千官助殿材椒掖有人
諳漢賦矢音剛道柏梁災

昇平相業視牀棧臺寺諸賢力詎勝外吏幾曾褒郭琇中樞
有意出彭鵬頻聞直節投邊徼稍覺危言取 上憎往日翰
林稱四諫朝衣剩積淚成冰

兵事南交久晏然尙書談笑靖朱鳶越人互市檳榔嶼黎女
清歌茉莉天置戍珠江增鐵艦勒兵瓊海稅沙田粵華頂上
千尋石叟與燕然一例鏘

鳴琴爲政亦風流儒俠參差兩見收塵尾過江名士物劍端
西嶽大王頭賦才何地逢揚意奏草無人問馬周何限生平
蕭瑟恨五陵芳樹謾悠悠

病起喜雲生見過

五月廿九日

朱箔森沈薄午天檐牙鵲語亦欣然病來支枕過梅雨客三
開簾放藥煙長日不聞棋檠響短才難了簿書緣何時贏得
山貲足持向江鄉買釣船

曉至江柳村

曉入雞豚社蕭然水竹居渠清知稻美林暗覺花疏籬棗初
垂帽溪雲好荷鋤愛茲真樸意酌水薦園蔬

卸咸甯縣事之明日有男婦抱兒乘車至縣庭呼顓隸
曰已受代矣婦咎男子曰我固云早來今何如太息
登車去感賦二首

泥首堂階玉筋紅單車來去忒匆匆冤禽有意填滄海石闕
其如在口中

駭女癡兒絕可憐相逢爭道使君賢平生苦被虛名累俯仰

庭柯一悵然

八月六日過灞橋口占

柳色黃於陌上塵
秋來長是翠眉顰
一彎月更黃於柳
愁煞橋南繫馬人

送王大令還秦州

水邊林下幾人還
何意清時早挂冠
桃葉好隨行幘去
梅花眞度隴頭看
能言鸚鵡如嬌女
新釀葡萄敵美官
十笏草堂生事足
可能回憶古長安

黃廉訪丈將入關奉迎一首

遂移楚節鎮秦川
新自延英請對還
淚盡梅花江上水
名高太白雪中山
清風載鶴朝辭闕
紫氣如龍曉度關
曾是先人持節地
至今父老識音顏

八月十一日自省還縣馬上望月有述

渭水飲我騎高陵秣我騶日行百里餘月出當馬頭西風入
襟袂鬢髮生涼秋遙見墟里煙冉冉原上浮清暉度林樾宿
鳥警復休小駟方東馳圓靈忽西流攬轡時回顧金波溢兩
眸豈不憚行露王程戒淹留庶幾萱草心今夕堪忘憂

十二日月下自渭南赴冷口馬上再述

身是將家子體弱良善騎夜行勿以燭月照黃金羈昨宵背
月返今乃面月馳明珠入懷抱霧鬣生光輝官道苦積潦高
原成康達右顧見人影駛若帆船移一馬爲前導一馬還參
隨萬籟都已寂蕭蕭聞鳴嘶滿地盡霜雪清寒襲我衣驛樓
忽在眼舒卷風中旂投鞭止候館筋力殊未疲亟呼掃塵壁

記我馬上詩

十三日謁壽丈於冷口驛遂偕至臨潼止於驪山行館

夜坐露臺看月賦呈長句一首

先生奉

詔西入秦手持絳節辭

天關關中父老候行轡

繡衣玉斧真天人三年不見河汾老春風一旦榮枯稿儉府

紅蓮舊湖洞中郎手版今顛倒褰帷遂至華清池繡領迴而

蟠龍螭連雲層構規漢制空明玉水如唐時山川與人相映

發煙荷露柳含清姿名園半日卸塵鞅謝公知有山林思行

吟萬里俱留稿

公出示
日記

送罷千官自看碑

時屬吏皆
迎謁於此

少焉月

上珠燈轉雕觚行酒金波滿玉露無聲鶴語高砂牀在地花

陰暖與公對月燕趙閒玉堂夢覺今十年從公看月鶴山麓

辛樓百尺隳寒煙

去歲黃
鶴樓災

滄桑世事誰能料西來坐嚮長安

笑渭北江南玉一輪閒關萬里來相照公昔入關鋒鏑侵公

今皇到瘡痍深人言公是秦時月

帝命公爲傳說霖始知碧海青天夕別有平生憂樂心

寄懷李雲生大令

長安人海獨相親青眼高歌覺有神幾使我成輕薄尹頗疑
君是謫仙人蕭閒自比雲中鶴儒雅爭摹雨後巾底物流連
不能置牀頭牙玉瓮頭春

寄贈譚西屏刺史

手提鐵騎氣如雲破賊功多口不言寶劍千金能贈客健兒
百戰解酬恩清談馬槊俱無敵大俠高僧併在門此日心馳
瀛海外不徒努力事中原

沈石田山水畫障

畫山如畫芙蓉城畫水如畫羅縠繒畫竹如畫寒鳥毳畫松

如畫千年籐松下，衡門無人欵芭蕉。含風蘆短短，引吭一鶴
如有聲。蒼茫獨立青天晚，石田鐵畫老益奇。筆力瘳硬西江
詩狂叫溪山落吾手，坐臥其下忘朝饑。突兀素壁生洲渚，又
疑牀頭響松鼠。多恐流塵浣煙素，每夜燈前卷秋雨。

歲暮寄懷黃廉訪丈

放衙終日對爐煙，散髻輕裘意灑然。舊箸春明朝退錄，新成
冬夜語兒箋。篝燈細辨荷花獄，服食還師杞菊仙。誰信功名
高百辟，遐心終在白雲邊。

丁亥元旦

桃符采勝麗朝霞，三見秦川換歲華。北雪種成盈尺玉，時雨
東風吹放廿番花。彈棋握槩從賓戲，擊鼓吹笙受吏衙。雪緊
能早朝無一事，自籠紗帽與煎茶。

春日贈內二首

瞳瞳度窗日浥浥對鑪薰
潑乳雙甌雪呵鈿滿鏡雲
宮詞多上口朝報每相聞
連理中庭樹花開似爲君

偶來窗下聽鳴禽
素手煎茶共酌斟
裙色最憐湖上水
釵頭不鍍俸餘金
羅帷新柳同眠起
曉鏡春山自淺深
爲愛郎詩好風調盡
將佳句繡吳襟

署齋早春卽事

縣僻耽幽事官閒翫物華
草心抽嫩甲冰面坼輕花
鐘動兒趨塾詩成吏散衙
奉親有魚筍忘却是天涯

春興示劉孝廉

還我雲山澹蕩身
風光暄美不憂貧
柳如年少張思曼
蘭是花中井大春
此口不言惟可飲
近詩多病在求新
座中亦有

耽吟客底謂蘇門少諍臣

琴臺春望

二月寒猶重南原晚復晴玉階新舊雪芳樹往來鶯棋局饒
澠子琴輒蝕漢銘登臺訊紅萼消息動春城

詠草

微生際多露弱植豈無根色甚秋江綠心知春雨恩駿蹄千
里路獵火故年痕最是圍扉底時時願見君

富平試院五首

鵠立金門待至公十年前事久朦朧如何喚醒風塵眼又落
青燈故紙中

少日文場有盛名乞符來此試諸生長廊繞徧還無事臥聽
瓜噓煮茗聲

快馬長刀不受羈當年屢戰屢奉旂如今壁上觀兵處莫認
壺頭曳足時

少年同學盡飛騰頭責書成忽自驚四十二年還此地悠悠
覽鏡負平生

諭蜀游梁最有詞是誰奪我鳳皇池君王若重凌雲賦趣召
文園故未遲

次韻和西屏刺史登富平城樓一首

乘興東遊思渺然登樓一賦動江關春歸秦女吹簫苑雲起
軒皇鑄鼎山千頃美田荒燹後五陵殘照有無閒暮年庾信
猶豪健莫遣楊花點鬢斑

變前韻再贈西屏

上下雲龍未擬還放衙終日對溪山畫家妙諦金剛杵樂府

新詞菩薩鬘橫草功名餘感慨射雕身手付蕭閒中原祇道
無才俊麟鳳由來在世閒

富平官舍漫興

蕭閒未覺素心違山水中間且息機百里送詩勞傳馬尋常
見客只儒衣垂楊院落書聲歇熟麥光陰訟牒稀信有仁心
到童孺撲來蝴蝶放教飛

五月三日送西屏斃歸青門

紅榴着花鏡檻東佳節何可逆旅中南塘水滿菖蒲碧送君
馬上多清風長安兒女嬌如玉采蘭終朝不盈掬歸去鏡臺
秋水明照人窈窕春山綠春山秋水思依依纔過端陽澣素
衣美田新醱鵝黃酒爛煮青梅仁爾歸

送秦錫之大令乞假還里

江村問隱居琴裝臨發更徐徐
暫將紗帽隨鷗鳥好趁
桃花訪鱖魚臥轍爭留明府轡
歸田多置義莊書鄉人若問
藍田勝爲道溪山畫不如

雨後呈西屏

南湖蓮房插箭靱綠水活活鳴青蛙
古槐移陰朝雨足頓有新涼生
舫齋垂簾晏坐香篆歇窗戶恰面南
牆開玉聲細細
戛風竹紫錢斑斑明露苔小奚解事
安畫楫生綃幕捲千峰
來亟呼苦茗對斟酌浮嵐倒入哥窯
杯人間案牘了無味大
似蒼蠅驅復回清譚政須捉塵尾辟
塵何可無蚌胎藜床今夜且安臥
不知涼月生琴臺

得伯循京邸書却寄

三年薄宦去京畿遙憶星郎直粉闈
白玉堂前春似夢黃金

臺畔客思歸故園芳草愁中長今雨瑤花別後稀爲道朝家重儒術未應青鬢戀初衣

丙子丁丑閒祥與陶子珍陳汝翼胡匡伯從愛伯師於京邸朝夕談讌樂且無央旣而汝翼告殂子珍繼逝比得師二月寄書則匡伯又物故矣書稱曩日同遊惟兩人在又云季弟病歿里中歸已無路是何言之悲也感賦是律卽以寄慰

山陽笛裏幾斜暉賀監東還計總違四子及門三嘆逝十書敘別九思歸琴尊契闊成今古骨肉淪亡果是非賸有著書關尹在東瞻紫氣倍依依

送西安大守入覲

漢法重循良周廷肅對揚鶴書來駱驛鸞翻遂飛翔門族山

東鼓謳思關內長鳳皇集庭樹獬豸繡衣裳領袖標三輔車
旂嚮九閭浦珠瑩別淚秦策轉離腸原隱銅人迹山明玉女
妝香花沿渭暖柳色度關涼題柱尋今雨褰帷過故鄉相君
啓東閣

天子在明堂獨對陳西事兼金賜尚方公歸鴻渚曲重進袞
文章

送宜川熊大令還楚

與君前後領丹州忘却閒身是宦游夜雨秋燈緝藥鏡午晴
春澗試茶甌讀騷未害爲名士束帶何嘗見督郵獨怪投簪
情太愒琴書先我上歸舟

改七薌梅花長卷壽文畫蓮於後戲書一絕

冷香吹到錦涇頭不用微波作蹇修試檢古來高士傳可無

君子殿清流

十月十八日過黃觀察廡廬時觀察再請休沐賦此慰

贈

爛熳冬花物候溫端居休沐已兼旬迴瀾有力開風氣閉戶
無人妒道真每以忠言砭屬吏盡傾經笥付門人誠知世事
多荆棘且醉齋頭軟脚春

曉起雪中望南山作

漢殿千門啓素闕四扇開登樓晴雪滿拄笏好山來徑粉微
黏竹林香欲度梅冰池浮菡萏銀海起蓬萊鏡裏眉剛畫煙
中玉已胎將巒非紫閣居處是瑤臺曉色通琴幌輕寒入壽
杯中庭萱草色先報早春回

寄懷鮑鏡漁前輩都門

重騎瘳馬入東華笑看羣賢泛使槎坊局有人矜得路京塵
無味苦思家功名橘叟棋中劫心事唐婆鏡底花

戲謂
黨生

天際

眞人猶有恨况堪拋彈在天涯

晚次高橋望南山積雪寄柏子俊山長

南山晚來霽馬上對清容返照明煙翠青天倚雪峰浮嵐紫
渭曲佳氣入秦封隱霧無元豹挈雲見白龍仙衣飄鶴鬣金
粉塑芙蓉玉映琅玕草花交瓔珞松霜橋初見月水寺已聞
鐘欲訪高人宅白雲深幾重

爲中兒聘婦作

蹇修辛苦爲通詞薄薄天錢作聘儀家世從來無錦帳姑恩
他日有枰棋門才已嘆卿慙長婚媾誰云我顧伊五嶽平生
虛夢想尙禽携手定何時

寄鄧鐵香鴻臚都門

南交疆事日紛紛議割朱崖不忍聞

總署議以澳門界西人君意不同遂再疏乞病

豈獨心肝能奉

主卽論眼額已殊羣近來朝望推黃散歸去山中但白雲十友松筠舊同調從容高蹈孰如君

寄雲生汧陽

從容散地敢忘勞百臂齋頭暮復朝官米幾曾輸酒庫新詩多半繡弓弢隴鸚如雪休登貢汧馬經秋易著臙西面早爲門戶計如今回鶻是天驕

奉懷望江中丞豫州

戡定南交亟挂冠豫州重與障狂瀾

女中堯舜知蘇軾天下蒼生望謝安羅致梁園賓客易調停

蜀洛黨人難公歸終上凌煙閣莫向吳中畫扇看

朝廷有意塞宣房千乘車旂出大梁故舊今無毛武陟功名
前有靳文襄舟車絡繹輸南漕泉幣艱難竭尙方滄海橫流
憂不細急封瓠子復流亡

卷十終

樊山集卷十一

恩施樊增

關中後集

起戊子七月
訖己丑三月

雲生歸自汧陽時時過談因用舊韻爲贈

風塵執手慰賢勞
雄辯縱橫永夕朝
古者罪言惟杜牧
近人詩說契桑叟
書繙舊本文多蠹
硯出新甌玉有臆
移榻白荷花畔坐
不知門外火雲驕

題屈悔翁弱水集

先生以大父殉甲申
之難遂絕意仕進

江南塞北屢經過
慚愧諸王致禮羅
已嘆甲申逢國難
何心已未占詞科
屏風賦就歸裝急
野史亭荒夕照多
袁沈同時輕薄甚
豈知萬古有江河

聽兩孫讀書作

莫以聲清擬鳳雛，讀書聊愈子孫愚。
淵醜未便如瓶水，飯飽猶能踞龜觚。
汝輩聰明原止此，兒時牙頰轉憐吾。
傳家舊物惟琴硯，素業休教愧老夫。

題藍田叔程穆倩畫冊十二首

閒庭日夜嫩苔生，羽客高僧偶送迎。
試檢春來門歷看，始終不挂達官名。

小泊荆江暮雨時，隔江樓堞是松滋。
分明二十年前夢，見畫裁能憶舊詩。

綠蘿溪上三間屋，半枕垂虹半倚城。
溪水到門清徹底，離離錦石見魚行。

潘令河陽枉擅名，春風桃李板輿輕。
可能持較潁陽宰，五月

荷花繞縣城。

田叔畫河陽花縣

塵堂興嘆厦材難黃木何年始至燕誰識扶疏深谷裏百圍
喬木養風煙

潮落荒江遠見燈渚鳧沙雁溼真真一生雅愛菰蒲雨好在
篷籠帶睡聽

灞水東流不計年銷魂橋畔草如煙靈和殿裏青青柳剩與
秦人拗馬鞭

離離津樹隱鳴鳩隨分吳船載酒遊柔櫓聲中三百里滿天
梅雨到蘇州

黃葉村中屋數椽柴門無客破苔錢燈花落盡空堂雨洗足
南窗自在眠

記從神女弄珠遊小別吳淞已四秋自笑官身不如雁等閒
飛度海西頭

溪柳搖搖綠可憐，憑將淡墨染吳煙。
曉風殘月江南岸，不繫扁舟漫五年。

潦倒關中舊宰官，故山昨夢採芝還。
草堂未就新松短，且可藏名手板間。

壽文山冢宰

崇禎六十代

家世黃扉有令名，更看戚里接蓬瀛。
天從孔雀屏邊笑，人在金鼇頂上行。

先帝殿前稱國老

兩宮簾下認門生，祇今大合鈞天樂。
猶是霓裳第一聲。

九重賜壽臨重九，宰相親王共舉卮。
畫象雲臺添馬援，晚香晝錦屬韓琦。
掖庭舊講家人禮，中使新頒御製詩。
何必蓬萊訪仙藥，天花法酒足期頤。

新得端硯形製如蓮葉溫潤可愛張之以詩

新荷一片葉落我懷袖間誰列紫琳腴肖彼青玉盤端溪孕
美質雅製謝雕鏤虛中可大受太璞常渾然書生以筆耨得
汝真良田焉知盈尺璧中關萬頃天大瓢注春溜浸此秋月
圓松麕紛蕩滌井華相澄鮮平生有癖嗜石交期歲寒文章
由汝出骨力皆蒼堅願爲錦囊襲勿爲玉帶捐澄神遊八表
爾其太乙蓮

題陳曼生畫冊十二首

紅梅

安排宰相和羹事吾榜裒然首可莊今日九英花下見緋衣

新值上書房

此詩爲王可莊同年作

繡毬

馬上三郎玉不如休教擊拂散明珠香毬圓轉春風裏便是
雪山獅子圖

藤花

一架天甯寺裏花山妻調蜜佐新茶年年說到藤蘿餅長與
嬌兒念外家

外姑每年以藤花作餅甘美特甚

芍藥

江左繁華事可憐揚州金帶望如仙西來莫覓丹州種金粉
成畦不值錢

宜川古丹州以牡丹得名今則徧種芍藥與凡卉無異

殘荷

殘葉西陂綠可憐鏡中紅淚冷涓涓榮衰無與問鷗事沙渚
荒寒盡日眠

菘

杭州魚鱗不論錢風味如鄉更可憐長記城東樊榭宅一畦
寒菜鎖秋煙

牽牛

娟娟引蔓上秋扉小朵藍花冷漸稀記得平明花上露南唐
爭染內人衣

雁來紅

楓未全丹菊未黃疎籬小圃絢秋光年年愁煞南飛雁每見
霜紅在異鄉

桂

先公持節鎮三湘燕寢新開九桂堂不解湘陰老居士苦接
芳樹入彈章

昔湘陰代花縣草劾疏以先子重修
永州節署扁題九桂堂爲罪案之二

菊

柴桑昆季皆良友一隔東籬五暑寒近得陶潛秋後信落英
時節勸加餐

此詩爲仲彝
栗園昆季作

水仙

鬢斗寒泉不受塵莫將輕擬洛川神便宜繡佛燈前供長伴
清齋善女人

松

紫閣峯前玉一株霜欺雪壓在泥塗如今謙讓泥金事莫望
官高五大夫

楊子經中翰與其子炳皆以第二人中壬子己未鄉試
今年榜發其孫懋源名在第一賦此賀之

進退格

老泉父子盡能文猶是人間第二人鄭有小同傳絕學瑗生
靈運嗣清芬蓬萊頂上誰爭席桃李城中獨占春看取題

禪上字慈恩領袖孰如君

顧晴谷大令與其三郎同爲癸未進士頃長君又捷秋

闕賦詩奉賀

君家玉樹盡翩翩又見名題淡墨箋諸弟誰能輕驃騎五男
各得嗣顏延崑山科第稱全盛嘉定門才總象賢至竟僧彌
先法護前年椿桂是同年

十月十一日同石生前輩雲生大令宿牛頭寺夜話有

贈

牛頭朝暮鬱葱葱粥飯今宵得暫同天地沈寥秋色裏闌干
往復月明中少曾京洛誇輕俊老傍僧藥閱苦空何獨茶清
能破睡驚人殘夢是松風

兩君見和前韻再疊一首

細剉黃羊剝嫩葱寒宵杯斝幾人同坐君紙閣明燈畔著我
清茶淡話中片月生時田水白楞嚴轉罷石堂空爲渠闡說
西來意豎拂堂頭在下風

十二日登杜陵原望終南諸山仍用前韻

罷食長安三斗葱攀林踏閣喜相同蘇蘇黃葉麻鞋底厯厯
青山眼鏡中北雁初來關樹小南梅欲發隴雲空登臨自整
高簷帽不畏桓溫席上風

登慈恩寺塔

白日當我前高雲出我下佛力透重霄天形籠四野山勢崑
崙來奔騰肖天馬紫閣笠簷覆長河衣帶寫是月霜始嚴林
谷變丹赭支拄天地間力能抗二華長安棋局然壩上兒戲
也坐閱興亡多風鈴不能啞卻下撫唐碣飛躡窻古瓦顧惟

慈恩義素衣淚盈把

雲生偕西屏見過便共晚飯因疊前韻索和並訂消寒

之局

風廊葉有聲竹屋雪未下二客皆晉人清談覓季野策策庭

前樹垂枝繫雙馬袖出冰雪詩宜稱蜀箋寫

雲生見和登雁塔詩

天寒

與酒宜映燭笑顏赭茶綠辨雙井荀香出少華

秦人最重華州荀州當少

華之粗糲亦何責杜陵腐儒也涼風西北來籬頭薺築啞燒

香愛宣醴突硯惜鄰瓦約消九九寒深罇待重把

雲生江上草堂圖冊子余既有詩矣頃復以西屏所畫

圖障索題再疊前韻

堂上生青楓秋深葉未下讀君草堂圖髮髯似秀野不食錦

水魚乃騎沙苑馬平生招隱意付與宛谿寫

西屏自號宛谿漁隱盈盈

江上霞生綃渲輕赭煮雪念峨眉看雲慚太華未免江鷗笑
歸來何遲也吾鄉多畫船柔艫聽啞啞老屋夕陽間離離檀
橋瓦拂衣期十年釣竹儻堪把

雲生以隨園詩文集見惠三疊前韻奉謝

吾少愛隨園雄名震白下落落開濟才抱書隱巖野稍長習
高論賤彼不羈馬殷浩束高閣中心罷藏寫要其透背力鞭
至石可赭妖姬曳雲袿俊鶻蹲秋華後生揚頽波殆非公意
也安得懲鄭聲並令笙簧啞今我嗜古人毀方合以瓦饋貧
感高義青燈卷重把

早起對雪柬石生西屏雲生四疊前韻

拂曉開南窗茶煙出松下叩齒讀素書巾服自疏野雪中兒
童喜蹴踏健於馬我亦檢佳帖隱映玻璃寫簷垂玉箸鮮砌

失蘇花赭欲窮銀海勝裏糧擬登華試問灞橋上騎驢爲誰
也素心期不來坐使瓶笙啞少焉雲日麗流金晃碧瓦寫詩
寄幽人瓊報仁盈把

舊家有鬻書者余購得數十種皆佳品也五疊前韻

我生如蠹魚老於章句下抄書仿北堂耽詩效東野關輔有

清門居鄰扶風馬

此君扶風人

油素各綫裝丹黃多手寫甯爲楚

弓矢不逐秦灰赭秋鴻遞芳信捆載過潼華

書由山西至

士曰盍

觀乎所患非貧也我往涎沫流我歸笑言啞

借韻

別購冬心硯

珍逾香姜瓦山妻睨之笑無錢買茶把

雲生見和題畫詩有招隱之約六疊前韻報之

牽絲豈本意鶴鶴百寮下其實麋鹿心終日在林野葛巾用
漉酒便面將拊馬平生煙水夢時託短章寫涉江踰會稽浮

海閣龕楮歷歷五嶽遊薄己償崧華春雨杏花時先生可歸
也憬彼獨樂人端居學啗啞東坡獨樂園詩拊掌笑先生年來學啗啞牽蘿補屋
漏劔竹代樓瓦相約刷黃精白鏡定雙把

黃大令歸自漢中枉過劇談卽事有贈

一年小息漢陰機下杜琴尊幾度違記折垂楊橋上別忽騎
瘳馬雪中歸蕉陰訟鹿今何限庭柱懸魚子庶幾從古長安
似棋局且斟佳茗閉松扉

題蔣春農畫梅

和靖夫妻自愛貧曲屏風底見腰身二分竹屋三分水一點
冰蟾數點春林下幸逢長命女用畫樹長春意尊前如對故鄉人應
防煮石山猿笑不著燕支浣粉真

前年內子三十初度適得錢松壺畫冊因以爲壽頃有

人以松壺朝川圖卷求售詰朝卽余生日內子市之
還以壽余似亦有因緣也紀之以詩

我昔官萬年與君作生日啜茗對溪山春風生畫筆刻藤十
二幅幅幅煙嵐潤人壽花紅視此圖礬頭記取松壺印今我
生日居長安鶻裘笑立明鏡前叩門有客送佳畫錢生一卷
藍田山前爲孟城坳後爲斤竹嶺中間一曲朝川莊山潭水
媚琴書靜芳樹蒸爲暖玉煙桃花蘸出紅霞影他時若築耜
耕堂如此溪山最端整昔贈君畫錢所圖今以錢畫還壽余
錢家兄弟皆能手與我墨緣締長久記否黃姑昔定情贈君

十幅玉魚生

君來歸時余以錢
玉魚畫冊爲贈

奉贈陶子方方伯

出入承明昔少年十年敷歷到蕃宣起家郡縣才原大曳履

星辰望若仙風節一生夷尹惠謳歌萬里隴秦燕都將憂樂
平生志夜夜焚香訴與天

十七年來甃得歸門垂碧柳已成圍江東魚膾登雕俎湖上
鴛鴦望錦衣贍族捐金皆祿賜過家上冢自旌旂誰知關內
新開府衣櫛蕭然僕御稀

公入關卽攝巡撫事計服官垂二
十年未嘗以家累自隨僕從裁三

數人
耳

消寒第一集譚西屏宅觀無可上人山水

十一月十九日

譚侯意氣宣州兵客來讀畫兼絮羹雪雲垂垂落酒殘素壁
忽見秋山明吳綾黠黠色茶褐上有飛崖勢千尺兩株寒樹
瘳蛟立葉葉倒垂根鐵石飛流屈注懸天紳一客趺坐若有
聞浩浩松風瀉鳴玉飄飄衲衣生白雲是誰畫發林泉闕手
筆高閒屬藥地作畫已是髡緇時認取巖頭浮廬字

先生薙
髮後所

以浮山名集此畫自署浮
盧愚者必甲申以後作也

想見破寺雲蘿封山泉洗硯青濛

蒙都將家國無窮恨寫入殘山剩水中君言故鄉兵火急暉
錦緹芸多放失抱持此畫不敢遺單騎崎嶇脫鋒鏑乃知神
畫真通靈草堂終日煙嵐生酒行到手忽不御我思遠在浮
山青

消寒第二集同人夜飲彭大令詢宅酒闌適得微雪乃

復圍鱸滄茗夜分始罷

十一月廿八日

鄰江老漁老多暇著書直是康韓亞

君著有龍縣
麟遊二志

先期折簡

招酒人勸飲葡萄度臘蜡入門火急索新詠導客從容過精
舍數行古帖置髮几百本異書列高架細煨楮暖瓶花莫
放鑪香出簷罅貂狐促坐不知寒瓢杓纔陳已侵夜酒行勿
學瓊卧畢座次頗似墩爭謝眾賓爭
占未坐晚菘早韭羅春冬魚美

筍香出河華鄉味年來憶蜀薑宦遊久亦嗜秦炙語妙爭看

花四飛心靈纔許雕雙射

每集輒以飛花射覆爲令

東方正諫雜諧謔長

公文章兼笑罵是時東臯麥始秀盼煞南溪雪無價今夕何

夕羅酒漿明日之日憂禾稼

時大府方議祈雪南溪得雪真無價東坡詩也

尖又方

賭白戰來珠玉忽從九天下奚奴走告喜欲顛急起遺卻雙

不借圓瓊濺瓦躍未定輕花著衣凝

去聲

不化良夜酣歌那易

得爲戒犢車且勿駕更烹芥菜佐檳榔欲寫石鈿入圖畫清

言玉屑兩霏微有味甘如飴蔗談深不覺鄰雞唱歸遲定

使街卒訝東風一夜吹瓊瑤詩思平明滿清灞自甚風帽過

橋南長耳淺竈猶可跨

消寒第三集趙九寓齋觀暉南田晴川攬勝圖

十二月
初六日

我家夷陵江之堧直下千里趨晴川傑閣岩巖五雲起使人

意氣凌飛仙黃鶴西樓亦屹立二豪對峙雄江天中更兵火
委荆杞復還偉觀中興年南浮不盡洞庭水左顧全見黃州
山放船世界琉璃裏置酒湖山錦繡前幾年驅馬度關隴夢
裏江光綠波動鸚鵡詞人去不還女郎山色春愁重我友朝
來埽素壁青天劃開障猶溼分明眼底見湘楚繞牀大呼狂
脫幘雲窗霧閣交參差翠竹白沙何綺密帆楫如迎返照來
林巒似染春霏碧萬里江山在尺咫世間祇有南田筆乾坤
清氣鍾此人耕煙與爾俱嶙峋當時山水猶避席前輩虛懷
誰與倫

先生初工山水及見石谷畫乃讓之獨步而自學寫生

青山畫裏無重數芳草

年年滿芳波今夕樂酒鷗波亭明日歸心漢陽樹

消寒第四集題萬誠齋秋江歸擢圖

十二月十三日

淼淼秋江碧玉寒思鱸人在古長安筆牀茶竈今何有留得

歸舟畫裏看

東坡生日早起喜雪用歐蘇禁體詩韻成長句二首索

同社諸君和是日爲消寒第五集晴谷顧君治具

卧聞虛廊走風葉起視庭際明松雪大石爲虎夜已陷閒慢
戲蝶曉未絕端明是日爲始降拂拭詩龕學磬折南豐辦香
同供奉戒師終古何生滅歛然驚鐵南牆動誤認鈴繚上清
掣十年春夢墮人閒舊事散如冰上纈未能春殿導蓮炬且
進霞杯餐桂屑雪堂到今千餘歲剛似瑤華一飄瞥奎宿孤
光人盡見黃州古鬼吾能說爲公痛飲一放歌壺口敲寒如

意鐵

右川蘇韻

新梅垂垂發紅萼暖閣簾深曉寒薄天陰歲晚百事廢獨有
詩章時一作朝日橫門彌晃漾瘴霧南山盡清廓暖貓那肯

遠屬毳凍雞翻願就燔爍小蹇逡巡越漣灞仙衣掩映在籬
落中林百萬集鴻雁朱邸三千賽貂貉頗聞河南近多盜行
路黃金清畫攫我今作劇甚歐九危言驚散西園雀埽除未
辦一天帶行吟徒曳兩芒屨乾坤旋轉自有人對酒當歌胡
不樂虎頭折簡期客飲溪茶卽用雪水瀹諸公風流繼穎尾
往往求音叩寂漠懸知興逐早梅動滿腹錚鏦鳴劍槩明朝
梅二倘無詩修翰一杯資笑噉歐公試院值雪謂韓子華曰
明日聖俞若無詩修翰一杯
酒已而梅詩果
至右用歐韻

雪後用宛陵韻簡諸同社

扶頭昨酒灑半臂曉寒加庭榭家家玉江山處處花蕭閒調
茗酪親切問桑麻攢學洛生詠憑欄伫晚霞

自題齋壁

乞得南窗半日晴，梅花香撲暖簾輕。
客來看畫無寒具，幾葉秋茶雪水烹。

趙九用東坡江上值雪韻賦詩索和，於是雪晴久矣。僕

適新葺舫齋，排比書畫，因次其韻。時歲除前三日。

惡卧壓損搯牀龜，清夢賴有梅花知。
曉開蓬戶望鴉鵲，拂面已覺春風吹。
詩人近得陳無已，閉門十日拈吟髭。
詩成雪霽日杲杲，寒流繞郭清無澌。
似從黃九得句法，一字半字爭安危。
我持衍波花下讀，好語喚醒垂楊絲。
繩繫幽險歸帖妥，天巧豈復須人爲。
回視我詩不稱意，敢道旗鼓交相持。
閒軒坐對南山碧，松雪明於姑射肌。
葺理張融岸上船，指麾孫郎帳下兒。
年光到此如激箭，索綯乘屋當及時。
焚香讀畫淨埽地，江南煙水生屏幃。
我屋如舟艤松下，苓泉供養清臞姿。
自張

月團品甘淡更漉冬酒分醅滴買書將琴付典肆應客有鶴
趨階輝旁人笑我何自苦丹黃在手無停披君看千官蹋龍
尾朝元車馬風颺馳鳴珂歸來日過午強顏一呷椒花厄何
如我輩飲酒樂沉鹿不會如黃隨草廬抱膝且高詠出門擾
擾將焉之

席星府大令用聚星堂韻見贈疊韻報之

我昔駢車走苑葉三花頂上明煙雪如此河山定有人靈傑
相遭兩奇絕竭來關中得迷好未面早使吾心折洛中紙價
昔已貴劍南祖燈今未滅淋漓巨篇來餉我碧海鯨魚力可
掣雲山縹緲聞韶濩江水澄鮮蕩蜀纈君昔錄囚挂吏議斗
大一州本不屑束帶未肯換五斗破甑何煩留一瞥揖客坐
令將軍重好詩當得逢人說至今冤讖在人口吁嗟錯鑄六

州鐵

謂高密太守

消寒第六集顧耳山大令邀集寓齊仿東坡饋歲別歲

守歲三首

十二月廿六日

歲晚相與饋問爲饋歲

故國親情多異鄉人事簡酒食相問遺此風盛冬晚五載遊
關中結交得嵇阮蠻榼來如織竹扉互相款鱗細河魚肥手
香江橘軟玲瓏愛花勝斟酌受茗苻何以荅殷勤官貧物不
腆忘是異鄉人楚秦不相遠

酒食相邀呼爲別歲

景光不戀人人愛光景新焉知來歲富不愈今歲貧終然縋
縋意臨別常悃勤金盤薦鯉魚素手剝栗榛勸君一杯酒乞
我百年身西有弱水波東有扶桑暎歲來無窮已且暮安足

論勿秉夜遊燭行迓東臯春

除夜達旦不眠爲守歲

一牒江南果數枝天竺香常覺一年短翻爭一夕長有似食
甘蔗剛餘半寸強又似聽歌曲尾聲轉悠揚竹爆何馨烈鏡
聽多吉祥闈戲競蒲博家饌豐魚羊歲歲長相守豈惟今夜
良笑持去年燭以爲新歲光

星府謂此題宜作近體戲成三律索諸君和

饋歲

擔酒籠鵝各苦辛旅中節物未全貧安排蜜酪酬新歲斟酌
瓜桃報故人雙鯉魚從遠方至一枝梅是隴頭春草堂今夕
堪留客醉倒花前孰主賓

別歲

唱到陽關弟四聲義和此日告功成任教來去渾無迹閱盡
炎涼倍有情鏡裏莫驚詩鬢改擔頭休帶隴梅行此身本是
長亭柳新舊年年管送迎

守歲

讀書長有失眠時今夕團圓百樣宜便平聲我焚香兼淪茗看
人打馬復彈碁功名抑塞惟看鏡酒脯從容一祭詩莫道彌
年心力盡歲朝重試衍波詞

己丑元日次雲生韻

天子朝元日宮簾撒繚綾雪消萬年樹春入九華鐙椒寢新
恩重賢書舊額增生爲太平雀歌詠我猶能

原作

李嘉績

擁衾人曉起春色上吳綾夢判迎年罨詩留隔夜鐙

河愁帑乏多士倖恩增憂樂非吾分梅花索笑能

春初簡星府大令

齊年同丙午學道守庚申官退從爲客家貧剩得春草堂雙
燕入木筆幾花新往日牽絲地猶傳詠白蘋

新歲喜雪再用聚星堂韻

天上何人埽瑞葉飄墮人間爲瑞雪蓬巷深深雞犬靜農田
浩浩蝗蝻絕閉門雅愛布衾暖入戶不覺屐齒折賀歲莫投
禰生刺飛入春泥恐漫滅年祥亟奏紫宸殿千里飛章電
光掣

君王新御正衙朝萬國衣纓影彩纈太史登臺候雲氣上公
朝元用木屑相如久已去梁苑詞賦何心邀一瞥蔡州戰績
夙所慕驢子相公每羞說徑欲草間獵狐兔臂鷹一騁霜蹄

鐵

正月四日立春星府大令招集寓齋以暗水流花徑春
星帶草堂分韻得花字是爲消寒第七集

春風如客到天涯莫厭宜城酒價賒
絲蠟自饒新歲事琴觚
的是舊人家畫臨院本雙鉤竹香透
哥鬘幾箭花齋中水
仙將放
是官身渾不信醉欹紗帽自煎茶

石筍刺史聚雪爲蟾旣而添足爲蛙又改爲獅有詩索
和因各賦一首

雪蟾

積素庭前花樣新涼蟾依約踞苔茵
仙人游戲無非玉月府
高寒合是銀刺史集成鐙腳瑞侍兒
滴作硯池春幾多夔虻
相憐意別有魚龍變現身

雪蛙

畫蛇添足未全非想見煙雲變態奇
戲玉似曾聞鼓吹堆鹽那復問官私
池塘冰泮無尋處錦襖風寒有怒時
心怯扶桑紅一點蕉門應遣六更遲

雪獅

前身曾傍雪山棲猛氣馴來小苑西
老眼相看似鹽虎童心誤喜得糖猊
皈依淨土光明佛貌出方山傅粉妻
若使嶄然露頭角爲麟爲豸復爲犀

再賦雪麟雪豸雪犀三首索石笙和

雪麟

慶雲威鳳現同時戴角森然立素墀
有客乘之戲瑤島生兒如此是瓊枝
玉書吐出看尤好春草生來踐每遲
自是

天家靈囿物願隨鶴鹿被聲詩

雪豸

一角神羊降玉霄霜臺竝立見清標惟將嚴冷存真面願以涓埃答聖朝繡入衣裳疑粉積觸來邪佞盡冰消朱雲汲黯都如此好向人間祝後凋

雪犀

進退格

飲牛休向絳河邊屹立瓊鋪似角端岌岌金隄會刻石茫茫銀海竟通天不宜燭照惟宜伏但辟塵埃未辟寒一點靈臺無迹象玉階日出聽涓涓

十一日雲生大令招集代耕草堂以雲無心以山岫鳥倦飛而知還分韻得雲字是爲消寒第八集

令節來酬伯雅君一春芳事要平分鶯花上已連人日賓客

相如及子雲履屐尋常工位置衣裳三日惹芳蘆右丞牀下
惟鑄曰左史帷中盡典墳長有春風生畫樹全將官俸買書
芸漢唐寶刻精傳拓莊老清言每放紛梅丈妍詞織琴布何
郎佳句畫爐薰新吟直擬襟題漢古器真如鼎出汾不解呼
盧休擲帽任教刮几更書裙卽看舖啜多佳致何止才華號
軼羣楚橘熟於棘尾酒江瑤俊似賞心文鯉魚春網剛盈尺
薺菜家園或論斤半臂微寒添酒量苦吟得力是茶勳梅花
幾點和薑豉生菜新年雜韭芹纔報宣房瓠子塞驚傳漢殿
柏梁焚當年妄意同憂樂此日誰能共感欣行樂但防兒輩
覺按歌常恐外間聞偶然絲竹相陶寫近者丹鉛亦倦勤品
字柴頭談舊事辛夷花下倚微醺風流倘步蘭亭後墨妙而

今有石軍

主人
工書

楊子經中翰花燭重週索詩誌喜

願作鴛鴦不羨仙春風散佩戲林泉
溫郎鏡子如秋水照爾雙棲六十年

回憶高樓畫遠山依然紅杏點春寒
蕭蕭阿母秋霜鬢重倚金蓮燭下看

王謝家兒玉照筵重吟宿昔洞房篇
娶妻生子從頭起更占人間幾解元

君長孫爲
戊子解元

再宴瑤池及早春也如重作鹿鳴賓
紅圍別有同年錄說與

綉孩五十人

本年爲己丑恩科
秦關中額凡五十名

社庭觀察屬題富貴壽考圖

琉璃地上紫雲英百寶闌干六曲屏
文采一雙紅綬帶樓臺千疊玉瓏玲
天衣采石仙人錦真誥銀州織女星
歡喜萬年

杖上雀好音常得隔花聽

題陶元暉中丞遺集爲方之方伯屬賦

有序

公諱朗先字元暉秀水人萬曆丁未進士出熊公廷
弼之門由主事守登州以政最擢按察副使廷弼再
爲經略建三方進取議創設登萊巡撫卽以公爲之
及廣甯陷廷弼逮獄公亦爲闖黨崔呈秀等所劾逮
繫追賊死顧明史遺之其名僅見於廷弼及沈自容
二傳而沈傳所云拔遼東難民事又與方震孺所譏
陶大中丞傳不合竊謂修史在數十年後而方則身
親東事者所言自較可信公名又見於盜柄東林夥
與周宗建相次文集爲國初沈墨菴起所輯久而
散佚方伯與族人玉珂畢力蒐羅凡得奏議書牘詩

歌若干首都爲一帙公生平大節封疆奇禍略具於此此集行世當與熊襄愍集並傳然則方伯表章先烈之盛心又豈東園後人所及耶敬賦四律以志景

慕

詔總登萊十萬師堂堂能畢與同時三方鼎足遙相應一老

河汾獨見遺

三方進取之策既定以公撫登萊畢自嚴撫天津廷弼駐山海關相爲犄角熊畢傳並見明史

元祐黨人天下重風波亭事古今悲九重閭闔從吾叩璫豎

何勞具獄詞

立馬之采葢代雄英豪收召徧山東一關山海艱危際三載

風蝗困頓中絡繹舟楫紅粟滿雍容巾扇白蓮空瑯琊終古

還祠廟鴨綠君臣涕淚同

公守登時水旱風蝗接踵三載公統淮遼之粟以食饑民白蓮妖人

胡從魁倡亂又討平之公之歿也登人立二祠以祀高麗者臣哭之哀且製輓章焉

同袍楊左盡剛腸敗局如斯亦可傷公就逮後楊避惜公才明之以金且稱冤魏瑄

怒乃刑逼公使誣連光斗受己及廷弼賄賂公雖力拒之而諸賢卒由是死矣

主闈茄花開禁苑時

危瓜蔓逮封疆長城破壞由天意三案紛爭訖國亡徒有壯

心收鎮奠苦無奇計悟巖廊

采玉求珠獨苦心文章流別記東林禍延白馬清流盡詩到
烏臺黨禁深灰後丹心磨盾寫杖餘碧血裏創吟乾坤正氣
今猶在三復遺編淚滿襟

昨得錢叔美朝川圖既嘗賦詩矣二月二日消寒九集

同人集做齋索觀此圖寵以嘉什余不能無言因檢

右丞朝川集起孟城坳訖椒園各和一絕凡二十首

孟城坳

朝水何淪漣經過古城下不見昔時人夕陽淡如畫

華子岡

林夜覺春寒結茆隱深峭忽見隔離燈犬聲怒於豹

文杏館

杏梁前代物月色舊時多宛轉雙棲燕春風奈爾何

斤竹嶺

好山間蒼翠夾路盡修篁每歲春時節家家焙筍香

鹿柴

黃葉林間響知誰破綠苔山中千歲鹿猶帶舊銀脾

木蘭柴

芳樹暖汀洲春衣賦遠遊如何朝川水不繫木蘭舟

茱萸泚

水石林偏迴花深葉復低山猿食紅子壽與幽人齊

宮槐陌

山人抱琴去南陌又斜暉細細槐花落清秋雨濕衣

臨湖亭

臨水愛朱欄當軒納空翠長日無碁聲時有閒鷗至

南垞

桑柘間垂柳依依明鏡中水南風日美輕檝采芙蓉

欽湖

荇藻青天動玻璃白日寒釣磯長不改湖水自波瀾

柳浪

柔荑初拂水眉黛欲傾城放誕春風裏嬌波盡日生

藥家瀨

魚跳時有聲爲立如不動徒步過南岡未要春帆送

金屑泉

昔有餐霞訣今無服玉方
渾疑金掌露五色晃朝陽

白石灘

溪光綠可飲松子甘可食
廚有折腳鑪添薪煮白石

北垞

浦澂參差對亭臺鏡裏分水南
看水北花暗幾重雲

竹里館

竹外三分水竹中一分屋
高人清晝眠繞戶茶煙綠

辛夷塢

暖樹流鶯坐春風木筆開牀頭
新甕熟花下故人來

漆園

大隱金馬門小隱山林間
坐愛漆園吏閒吟秋水篇

椒園

外有荆棘傷內含薑桂美鍼刺待小人芳辛奉君子

趙九招同子衡西屏石笙雲生子經星府誠齋耳山小

集玉蘭花下作歌

白閣峯頭一丈雪清明未斷真奇絕庭階咫尺挺瓊樹樓臺
四照成瑤闕孤根崛起高切雲玉光畫視圓如月坐辛夷陽
春自暖入薜荀林香更烈仲春佳日朋盍簪雲窗窈窕當花
南攀條弄蕊意各足軍持手注陳詩龜納之襟袖助芳郁煎
以酥蜜聊解饑落英豔豔照杯面畫屏銀燭光相涵由來長
安多得春城南草杜花如雲幾家種樹爲幢蓋幾輩看花到
子孫進士科綠紅杏貴王侯家爲牡丹貧卽論開落關何事
默數榮枯大有人昔人對花理觴詠手翦雲蘿關三徑綈錦

能增草木輝笙歌頗極園林盛玉砌雕欄幾夕陽春風已換
鷗波姓金縷歌殘酒尚溫烏衣燕至巢仍定名花得主心爲
顛傷春感舊能無情我懷浩蕩本無物醉歌且復招飛瓊一
杯兩杯佳茗樹一更兩更虬箭鳴明日下邳花似雪更麝芳
醕作清明

昨見樵也近詩中有見懷之什極言富平荷花之盛而
終以太華蓮花峯相軋君宰韓城華固非君有也戲

答一首

我所有者南湖田田風露香君所有者狀元紅杏十里強韓城
爲上文丈夫胡不自樹立假借州宅相夸張南湖緋霞三十
端故里頃開門一段明光錦鏡裏娥娥紅粉妝未輸玉女風鬢影關
中所乏惟煙波今我紅翠何其多韓原風塵暗白日可能無

意江南歌美原樓閣仙雲舉吹簫舊住秦臺女恰與琴姜是
故人君借蓮峯恐不許

題傅青主蘆雁

畫馬曾傳入馬胎藝於精處見神來先生身化江南雁頭白

霜紅任往回

先生自題有塞北霜林江
南煙浦隨處天涯之句

送人宰渭南

渭城一唱轉雕輪叔度來時正好春送客恰當朝雨浥到官
剛及百花新放翁封邑爲湯沐白傅雲仍是部民莫學洋川
饒太守胷中千畝盡湘筠

卷十一終